

क्रमसंख्या-६३

न्हापायापिं प्रसिद्ध बज्राचार्यपिं

लेखक :

बद्रीरत्न बज्राचार्य



बु. सं. २५३३

वि. सं. २०४६

ने. रु. ५/-

आनन्दकुटी विहार गुठीको प्रकाशन

१.	बुद्धकालीन ब्राह्मण	भाग-१ (अप्राप्य) ... रु. ७/-
२.	बुद्धकालीन ब्राह्मण	भाग-२ ... रु. १५/-
३.	बुद्धकालीन ब्राह्मण	भाग-३ ... रु. १७/-
४.	बुद्धकालीन गृहस्थीहरू	भाग-१ (अप्राप्य) रु. ८/-
५.	बुद्धकालीन गृहस्थीहरू	भाग-२ ... रु. १५/-
६.	बुद्धकालीन गृहस्थीहरू	भाग-३ ... रु. १५/-
७.	बुद्धकालीन महिलाहरू	भाग-१ (अप्राप्य) .. रु. ८/-
८.	बुद्धकालीन महिलाहरू	भाग-२ ... रु. १४/-
९.	बुद्धकालीन राजपरिवार	भाग-१ ... रु. १०/-
१०.	बुद्धकालीन राजपरिवार	भाग-२ ... रु. १६/-
११.	बुद्धकालीन राजपरिवार	भाग-३ ... रु. १८/-
१२.	बुद्धकालीन परिव्राजकहरू	भाग-१ ... रु. १६/-
१३.	बुद्धकालीन परिव्राजकहरू	भाग-२ ... रु. १५/-
१४.	बुद्धकालीन परिव्राजकहरू	भाग-३ ... रु. २३/-
१५.	बुद्धकालीन श्रावक-चरित	भाग-१ (अप्राप्य) रु. ९/-
१६.	बुद्धकालीन श्रावक-चरित	भाग-२ ... रु. १७/-
१७.	बुद्धकालीन श्रावक-चरित	भाग-३ ... रु. २०/-
१८.	बुद्धकालीन श्रावक-चरित	भाग-४ ... रु. १४/-
१९.	बुद्धकालीन श्रावक-चरित	भाग-५ ... रु. १४/-

प्रकाशकीय

नेपा: भगवान बुद्धया जन्म भूमि उर्कि हे शान्ति दया च्वंगु देश । सहयाय्गु शक्ति दया च्वंगु देश । अथेहे थन न्ह्यागु अभाव, दहे दःसां मिसावट ।

नेपा दे सम्बन्धी छुं सफूत प्रामाणीक तवरं नेपा देशे मदु । दहे दःसां विदेशी तय्सं च्वया तःगु अथवा झी हे मनूतय्सं च्वोसां हिन्दुकरण याना च्वया तैगु । उर्कि तथ्य छु खः धका थ्वीके थाकुया च्वनीगु ।

गत अक्टोबर ३ तारिक नसें ७ तारिक तक भारतया सिम्लाय् सम्पन्न जूगु अखिल भारतीय हिमालीय संस्कृति सम्बन्धी परिसम्वाद गोष्ठी भाग काय्त वना । अन ४५ ह्य ति प्रोफेसरपि व बौद्ध विद्वान लामा गुरुपि, रिम्पोछेपि उपस्थित दुगु खः । अन थेरवाद मध्ये अथवा स्थविरवाद पाखें जि छह्य जक दुगु खः । नेपादेशं जि नापं वाराणसी वना च्वह्य बिजय-राज बज्राचार्य दुगु खः । वस्पोलं “नेपाले बुद्ध धर्म वर्तमान तथा अतीत” धैगु शिर्षकय् निबन्ध प्रस्तुत याना बिज्यात । उकी बहा बहीया उत्पत्ति व बहा बहीया फरक तकनं छुटे मजू । बुद्ध धर्म गुबले दुहाँ वलनं अस्पष्ट, नेपा बारे तथ्य खं ल्वीके थाकू कथं अले बज्राचार्यपिके अध्ययन मगाःगु कारणं बज्रयान ह्यास जूया वना च्वंगु खं प्रस्तुत जुल । जिगु नुगले सारैहे दुख ताल । बज्रयानया मूल जड व प्रशस्त धर्म परम्परा दयानं

[ख]

अथे धका धाय्का चवने माल धाःसा बांलागु मखु ।
जि अधिष्ठान याःना कि थुकीया विषये स्यूपि ब्यक्तिपि माला
जि नं अध्ययन याय् ।

परिसम्बाद गोष्ठीं स्वदेशे लिहाँ वय्वं वस्पोल आचार्य
अमृतानन्द महानायक महास्थविरं थ्व सफू छगू प्रकाशन याय्
माल धका वयना बिज्यात । वस्पोल बद्रि गुरुज्युं चवया बिज्यागु
थ्व सफू खनेव जित सारै हर्ष जुल । पुलांगु नेपा देया छुं भच्चा
इतिहास ज्ञीहे बौद्ध बिद्वान छह्हास्यां चवया बिज्यागु महत्व पूर्ण
खः । प्रकाशन याय्त आनन्द कुटी विहार गुठीयात बिया
बिज्यागुलि धन्य भापिया । थज्याःगु हे सफूत बरोबर चवया
श्रोतावर्गपिनि चित्त शुद्ध ज्ञां दयेका बीगुलि वस्पोल गुरुज्यु
सक्षम ज्वीमा । अले वस्पोलया सुख समृद्धि व दिर्घायुया
कामना याःना चवना ।

Dhamma.Digital

साथे थ्व अमूल्य सफू स्वया ज्ञी श्रोतावर्गपिसं नेपाया
इतिहास सम्बन्धी ज्ञा दय्का काई धैगु मनं तुना । थ्व सफू
आनन्द कुटी विहार गुठीया ६३ गूगु प्रकाशन खः ।

फोन- २७१४२०

२१५०२०

मितिः २०४६ कार्तिक २ गते

भिक्षु मैत्री

सदस्य-सचिव

आ. कु. वि. गुठी

स्वयम्भू

जिगु खँ

बज्राचार्य धयागु पद ह्लापा साप हे दुर्लभगु खः ।
ह्लापा ह्लापा बज्राचार्य पद प्राप्त यायेत विहारय् च्वनाः
अध्ययन यानाः विनयं पूर्ण जुइमाः । अले तिनि शिक्षा दीक्षा
प्राप्त जुइ । थ्व शिक्षा दीक्षा प्राप्त जूह्य, बौद्ध धर्मया चर्या
यानाच्चंहा व्यक्तियात हे बज्राचार्य धाइगु खः ।

थ्व बज्राचार्यपिसं अध्ययन याइगु विहार गथे निर्माण
याइ, थुकिया विधि-विधान छु खः धयागु सीकेबह जू । ह्लापां
विहार दयेकेत विहार दयेकेथाय् च्वंगु भूमि कूर्म परीक्षा धकाः
व थासय् च्वंगु चा ज्यू-मज्यू लक्षण स्वइ । चा ज्यू धयागु लक्षण
वल धाःसा भूमि याचना याइ अर्थात् भूमि थुवाःयाके न्याना
काये माःसा न्यानाकाइ पवनाकाये माःसा पवनाकाइ । थुकथं
भूमि प्राप्त जुल कि व थासय् सूत्र पातन याइ । गुगु किसिमयागु
विहार दयेकेगु खः, उगु किसिमया नक्शा बमोजिम वास्तु
प्यनी । यरोपन यानाः गौसञ्चालन याइ । भू घाटन यानाः
जग म्हुइ । पाद स्थापना यानाः जग स्वनी । चैत्यदेव, बुद्ध
आदिपिनिगु पाद स्थापना याइ । रत्नन्यास आदि यानाः
विहारया एकशाल, द्विशाल, त्रिशाल, चतुःशाल आदि प्रकारया

[५]

आलय (छं) दयेकाहइ । विहारयात माःगु लुखा इयाः आदि नं ततं यंकइ । विहार वयेकेत चैत्य, प्रेतशिला, क्षेत्रपाल, महाकाल, महाबल, अग्नि शाला, बसिगाः, जलाशय, धर्मगण्डी, अज्रघातु मण्डल, आयम आदि सम्पूर्ण स्थापना यायेमाःगु जुल । श्वया लिसें आचार्य प्रवेश, पूर्वसेवा, योगाचार, दिगग्रहण, किरणकोटन, पादसाधनं, सूत्र पातन, रजःपातन, मण्डलराजग्री आदि नं यायेमाःगु जुल ।

शुगुकथं विधि विधानपूर्वक निर्माण जूगु विहारय् भिक्षु व बज्राचार्याभिषेक गुकथं जुइगु छः श्व छं नं ह्वाये । ह्वापा वदे छुयेबलय् ज्ञिनिदें मदुहा काय्मचा विहारय् यंकाः वयात स्थविर पिधालसां थायेपा पिसं मुण्डन यानाः आंगसा सें खाकाः चूडाकर्म याइ । शिक्षा ग्रहण याकाः चीवरं पुंकी । कुंधार, सिसलाकू, पिण्डपात्र, लःह्लाना बी । प्रवज्या संवर बिया भिक्षु छुइ । भिक्षु यानाः विहारय् तुं भिक्षु चर्या याकाः तयातइ । वयात छिसिनिसें बौद्ध शिक्षा अध्ययन याकी । प्यद्, ज्ञिदें, ज्ञिखुद्, नीदें, नीन्यादें तक नं गुथाय् तक अध्ययन यायेमाः उथाय् तक विहारय् हे तयाः अध्ययन याकातइ । अध्ययन ववचाल धायेव तिनि वयात चीवर ववत्यलेगु याइ । श्वया लिपा पाणिग्रहण नं यानाबी । शिक्षा दीक्षा बियाः शिक्षां पूर्ण जुल कि वयात बज्राचार्याभिषेक बी ।

यथे शिक्षां पूर्ण मजूतले विहारय् चवनाः, चीवरं पुनाः

भिक्षु हे जुयाच्चनेमाःगु जुल । लिपा जुलिसे समयानुकूलं शिक्षा पूर्ण मज्जासां चीवर त्वकेगु चलन जुयावल । लिपा श्व वर्ष वक्काकां झिदं, स्वदं, दच्छि अनं लच्छि जक तयाः नं चीवर त्वकेगु यात । थथे जूलिसे अध्ययन यानाः सीके सयेकेगु ज्या तोतुतुं वन । थथे जुजुं आः प्यन्हु जक भिक्षु यानाः चीवर त्वकेगु चलन जुल । थुलि जक मखु थौं भिक्षु जुयाः हल्लय् खुनु, अज्ञ उलि नं मखु, थौं भिक्षु जुयाः थौं हे चीवर त्वकेगु चलन थौंकल्लय् याना हया च्वंगु दु । थथे थथे जुयाः वंगुलि थौं नेपालय् बौद्ध धर्मया विषयय् यक्व यक्व विपरीत जुजुं वन । परम्परागत बौद्ध धर्मया विषयय् मसया मसियावन । धर्म सम्बन्धी शिक्षा कम जूलिसे धर्मया विषयय् सीके सयेकेगु नं मदया वन ।

थथे विहारे भिक्षु जुयाः चीवरं पुनाः थःगु छेय् दुहाँ मवंसे विहारय् तुं च्वनाः, थत माक्व शास्त्रया अध्ययन यानाः शिक्षा प्राप्त याये धुंकाः बज्राचार्यं पूर्णवृत्ति शिक्षा कायेमाः धाइ । तर लिपा लिपा भिक्षु जुयाः अध्ययन याये मगाकं हे चीवर ववत्यलाः थःगु छेय् दुहाँ वइगु वा छेय् दुकाइगु जुया च्वन ।

अनं लिपा याकः याकः बदे मछुसे विहारया सर्व सङ्घया बदे छुयेमाःपिं दक्व मुनाः भिक्षू छुयेगु यानाहल । थथे जुजुं प्यन्हु जक भिक्षु जुया चीवर ववतलेगु यानाहल । अनंलि

[८]

स्निनिदं मद्दुनिबलय् हे विहारय् यंकाः भिक्षु छये माःथाय् वया
नं वया नं बदे छुयेमाःगुलि सकलं मुनाः वदे छुयेह्य थाकुलि
स्निनिदं फुइधुंका तिनि वदे छुइगु जुल । चीवर नं प्यन्हु जक भिक्षु
यानाः ववत्यलेगु चलन जुयावल ।

चीवर ववत्यले धुनेवं विवाह यायेगु यानाहल । विवाह
याये साथं बज्राचार्याभिषेक बियाः मचा मद्दुनिबलय् हे आचाः
लुये माःगु खः । तर लिपा आचाः लुयेत तच्चवं थाकुगु विधि
व्यवहार जुयावल । विवाह धुंकाः नं आचाः लुयेत थाकुगुलि
गुलि गुलिस्थां थःगु आर्थिक कारणं यानाः आचाः लुये मफुत ।
आसे आसे धाधां हे आचाः लुये मदयेकं हे मचात दत । आचाः
मलुसें मचा दुगुलि आचाः लुये मखु धकाः आचाः लुया मबिल ।
अथे आचाः मलूपिन्त वदेजु धकाः धाल । आचाःलूपिन्त
बज्राचार्य धाल । ह्लापा ह्लापा बज्राचार्य धयापि यक्व दुगु
मखु । वदेजु धयापि नं ह्लापा बज्राचार्यपि हे खः ।

बदे छुयेगु व आचाः लुयेगुलिइ आः भ्वांः मद्दुगु तन्ता
वयाचवन । बदे छुनाः, आचाः लुयाः शिक्षा दीक्षा बीगु ला
छखे बदे छुयेत व आचाः लुयेत यक्व थःथिति हातानातापिन्त
भव्य सःताः ततःजिक नकेत्वकेगु यानाहल । ह्लापा ह्लापा
शिक्षा दीक्षां कयाक्वंगु थाय् थौकह्य वदे छुनाः भव्य नकेगु व
आचाः लुनाः थाय्पान्ति थयेकेगुलि कयाचवन ।

बज्राचार्याभिषेक प्राप्त जूपि बज्राचार्यपि चैत्र कृष्णपा

अष्टमी खुनु स्वयम्भुइ वयाः शास्त्रोक्त विधिअनुसार चैत्य पूजा याइ । शान्तिकराचार्यं स्थापना यानातःगु शान्तिपुरय् लोकोत्तर विधि अनुसार पूजा याइ । चूडाकर्म याये धुंकुपि सकल बज्राचार्यपि दच्छिइ छको थन स्वयम्भुइ वयेमाःगु जुल ।

उपलय् थाय् थासय् च्वंपि बज्राचार्यपि थःपिनि भ्दछिचा भ्दछिचा वयाः पूजा याइगु खः । लिपा थ्व बज्राचार्यपि मुनाः थथे सल्हा जुल — झी तः थ्वः मडु । झीपि फुक छथ्वः हे जुयाः छक्वलं पूजा याये गणचक्र यायेबलय् जक थः थः बिहारया कुलदेवताया अनुसारं बज्रगीत हाले थुगु सल्हा सकस्यां चित्त बुझे जूगुलि थःथः अलग अलग पूजा मयासे फुकक बिहारयापि बज्राचार्यपि समुच्चय जुयाः आचार्य गुथि दयेकल । थ्व आचार्य गुथिइ येँयापि बज्राचार्यपि जक मखु, यल, खप, थिमिया सम्पूर्ण बज्राचार्यपि नं छथ्वः हे जुयाः दच्छिइ छको आचार्य गुथि न्यायेकेगु प्रथा शुरू जुल । थथे पूजा जुजुं लिपा खपय् च्वंपि बज्राचार्यपिनि खपय् तुं आचार्य गुथि न्यायेकल । थथे हे यलय् च्वंपि बज्राचार्यपिनि नं यलय् हे आचार्य गुथि न्यायेकल । थिमिइ च्वंपिनि थिमिइ हे न्यायेकल । थथे थःगु देशय् थःथःपिनि आचाः गुथि चले यात । येँयापि बज्राचार्यपि थःपि जक फुक समुच्चय जुयाः दच्छिइ छको स्वयम्भूया शान्तिपुरय् हे आचाः गुथि न्यायेकेगु याना तुं च्वन ।

नेपाल देशया बज्राचार्यपि मध्यय बौद्ध धर्मया शिक्षा

[ज]

दीक्षा कथा चैत्य आदि देवी देवता आदि साधना व स्थापना
याना बिज्याःपि तथाबौद्ध ग्रन्थ व चर्यागीति रचना याना
बिज्याःपि प्रसिद्ध बज्राचार्यपिनिगु संक्षिप्त विवरण प्रकाशन
याये धयागु इच्छा जितः ने. सं. १०६२ स हे जूगु खः । थुकिया
लागी गन गन छु गुगु सफ् दइ धकाः उखे थुखे मालाचवनागु खः ।
छुं भति लुया नं वल । हानं नं प्रमाणत लुया वइला धकाः माला
तुं जुया । आःयात ३२ ह्य बज्राचार्यपिनिगु संक्षिप्त विवरण
तयार जुल । थुलिसिबय् अप्वः लुइके मफुत । लिपा मेमेगु
नं लुयावल धाःसा पुनः प्रकाशित यायेगु कुतयाये ।

थुगु सफ् सम्शोधन यायेगुलिइ अमूल्य समय बिया
बिज्याह्य रत्नकेतु महास्थविर (इवाबाहा) या बज्राचार्य नां
जाह्य फणीन्द्ररत्नजुयात आपालं धन्यवाद दु ।

बौद्ध विद्वान पं दिव्यबज्र बज्राचार्य ज्यूं थुगु लेख
स्वया थःगु मनया खँ प्वंका बिज्यागुलि आपालं अन्यवाद ।

सकल बौद्ध जगतं हनातह्य भिक्षु डा. आचार्य महानायक
महास्थविर अमृतानन्दज्यूं जिथे जाह्य अल्पबुद्धिया तुच्छ लेखे
ज्यु मज्यु स्वया नित्वा खँ तया बिज्यागुलि लिसें नेपाल लिपि
प्रकाशन जुया च्वंगु थुगु सफूयात हानं सकलयात उपयोगि
जुइगु खतं देवनागरिक लिपि प्रकाशने हया बिज्यागुलि सहस्र
धन्यवाद दु ।

नां दह्य साहित्यकार सत्यमोहन जोशी ज्यूं स सथे
 चवयागु पुथि ख मखु बिचायाना तपं तथा दिगुलि वयकयात नं
 तःधंगु धन्यवाद दु ।

थ्व सफु चवया तयागु सफु लः ल्लाना जक बियागु खः,
 थ्व सफुति वनेमा थाय् तक्क वना, स्वेया मा थाय् तक्क स्वया
 चवयेमाथाय् चवया ल्हेमाथाय् ल्हेया प्रेस आदि फुक्क बिचा
 याना ग्वाहालियाह्य जिह्य शिष्य नरेश मान बज्राचार्ययात नं
 धन्यवाद दु ।

अन्तस थ्व चिकिचाधंगु पुथि जिथें जाह्य व्याकरण कोष,
 इतिहास छुं मस्यूह्य बुसाँनिसें वगु वानि सिसा तिनि तनि धैथें
 गुभाजु तालं चवयागुलि गाः मगाः स्यंगु द्वन्गु दःसा क्षमा
 पवनागु जुल नापं मगाः मचागु, द्वन्गु स्यन्गु भिकेत सल्ला बिधा
 बिज्याई धयागु नं आशा दु ।

ग्वाहालि कयागु सफुया नां धल :

१. प्रचलित विभिन्न चचा सफु
२. प्राचिनकालया श्री बज्राचार्य शान्तिकरया इतिहास
३. स्वयम्भू पुराण
४. द्वादशतीर्थ महातम्य
५. अस्त वैटरागया महातम्य
६. मणिशीला वदान

[८]

७. शाधन माला
८. श्रीमन्नोया बाखें
९. बुद्धोया बाखें
१०. मूल्य चैत्य पूजाया घलः पौ
११. क्रिया संग्रह
१२. क्रिया समुच्चय
१३. चर्याचर्चाभिनिष्चय
१४. लुंमधि अजिमाया तःहोमया पद्धति
१५. गथु प्याखें व खड्ग शिद्धिया सफू
१६. मेमेगु बंशावलि आदि ।

११०६ कार्तिक, कृष्णपक्ष
पञ्चमि ।

—बद्रीरत्न बज्राचार्य
मन्त्रशिद्धि महाविहार
महाबौद्ध "ये"

नसला

नेपाल शाक्यमुनि बुद्धयासिकं ह्यापायापि दीपङ्कर, विपश्ची, शिखी आदि बुद्धपि बिज्याना अधिष्ठान याना तगु व शाक्यमुनि जन्म जुया बिज्याःगु व वैरोचन आदि ध्यानी पञ्चबुद्धपि संस्थापन जुयाच्चंगु पुण्यभूमि खः । महाचीनया पञ्चशीर्ष पर्वतं बिज्याःह्य महामञ्जुश्रीनं नागवास दहया लः पित छ्वयाः वस्तो दयेका बिज्यात । थ्व नेपाल मण्डल स्वनाबिज्याःह्य वसपोल महामञ्जुश्री हे मञ्जुदेवाचार्य खः धयागु थुगु सफुलिइ उल्लेख जुयाच्चंगु दु व थननिसें हे बज्राचार्यया परस्परा न्यात धयागु पं. बद्रौरत्न बज्राचार्यया धापू खः ।

भारतवर्षया गौड देशं बिज्याःह्य महाराज प्रचण्डदेव नेपालय् बिज्यानाः शान्तश्री नामं भिक्षु जुया बिज्याना व थ्वया लिपा बज्राचार्याभिषेक कयाः शान्तिकराचार्य जुया बिज्यात । तेबाहाया बन्धुदत्त आचार्यं कामरु कामाक्षं करुणामय नेपालय् हया बिज्यात । थथे हे सक्वया बज्रयोगिनी स्थापना याना बिज्याःह्य वाचासिद्धि बज्राचार्य, फंपि देशया बज्रयोगिनी स्थापना याना बिज्याःह्य ओडियानाचार्य,

[४]

विजयेश्वरी स्थापना याना बिज्याःह्य बज्रपाव बज्राचार्य,
तुंख्योया महाकाल, लुंमधि अजिमा स्थापना याना बिज्याःह्य
शास्वतबज्र बज्राचार्य, सीघःद्यः स्थापना याना बिज्याःह्य
वाक्बज्र बज्राचार्यपिनि संक्षिप्त विवरण थ्व सफुलिइ दु ।
थथे हे महायान अन्तर्गत बज्रयानया पूजा सम्बन्धी ग्रन्थ व
चर्यागीत रचना याना बिज्याःपि प्रसिद्ध बज्राचार्यपिनिगु
संक्षिप्त विवरण व चर्यागीतया राग-ताल नं थुगु सफुलिइ
उल्लेख जूगु दु । थ्व सफू विशेषतः ह्लापायापि बज्राचार्यपिसं
देवदेवी स्थापना यानावंगु सफू व चर्यागीत, पूजा विधि
यानावंगु विषयय् ज्ञान प्राप्त यायेत आपालं सहायक सिद्ध जुइ
जितः विश्वास दु ।

थ्व सफुलिइ तिथिमिति मद्गु छता अभाव जिं खना ।
थ्व सफुलि संक्षिप्त रूपं हे थजु झीत नेपालया प्रसिद्ध
बज्राचार्यपिनि बारे सीके ब्यूगु दु । विद्वद्जनं थथे हे थःथ,
जिल्लाया बाहा-बहीया देव-देवी स्थापना याना बिज्याःपि
बौद्ध पूजाविधि वा दर्शनया विषयय् ग्रन्थ रचना याना
बिज्याःपि चर्यागीत आदि च्वया बिज्याःपि आचार्यपिनिगु
बारे अनुसन्धान यानाः च्वया पिकया बिज्याइ धयागु तःधंगु
आशा दु ।

अन्त्यय थ्व सफूया विषयय् निगू शब्द च्वयेत जितः
अवसर बिया बिज्याःह्य जिह्य मन्त्रदाता तथा चर्यान्त्य स्यना

[३]

बिया बिज्याःह्य गुरु पं. बद्रीरत्न बज्राचार्ययात हादिक
साधुवाद ब्युसे वसपोलपाखे थुजाःगु हे ग्रन्थ रचना यानाः हानं
हानं पिकया बिज्यायेत इनाप दु ।

क्वमिलु

—फणोन्द्ररत्न बज्राचार्य

मितिः २०४६।२।२५।४

इवाबाहा



Dhamma.Digital

जिगु धापू

स्वनिगल्य परम्परागतरूपं प्रचलित जुयावयाच्चंगु
 धार्मिक तथा सांस्कृतिक विषय वस्तुस आपलं महत्त्वपूर्णगु
 तथ्यत सीकेत श्वीकेत अतिकं सहायक सिद्ध जुइगु श्व शीगु
 ल्लाहातिस च्वंगु सफू छगू नं पं. बद्रीरत्न गुरुजुं थःगु अध्ययन,
 अन्वेषण व अनुसन्धानया क्रम्य माँभाषा नेवाः भाषां पिथना
 बिज्यात श्व सकल नेपामित्यगु लागि गौरवया खँ धाये माल ।
 थथे यायेमाःगु छाया धकाः न्ह्यसः तयेफु, थुकिया लिसः श्वहे
 सफुतिइ दुथ्याकातःगु बज्राचार्य शाश्वत बज्रयात छगू बसूकथं
 थन न्ह्यब्वये । थुकिहे व्यावक खँ स्पष्ट याइ ।

शीगु समाज्य महाकाद्यःयात बौद्धधर्मावलम्बीतय्सं
 'बज्रवीर महाकाल', अथेहे हिन्दूधर्मावलम्बीतय्सं 'महाकाल
 शनि देवता' धकाः मान्यता बियाः थौतकनं उत्तिकहे श्रद्धा
 भक्ति तथाः पूजापाठ याना वयाच्चंगु दु । गनं तापाक
 स्वःवनेमाःगु नं मखु, येय् तुनिह्यःया सिथ्य मूलपु लिकसं
 महाकाद्यःया देगः युगयुगनिसैं धस्वनाच्चंगुहे जुल । हनं थथेहे
 तुनिह्यः लिकसं श्री ५ या सरकारया प्रमुख सचिवालय
 सिंहदरबारया न्ह्यःनेसं पीठ स लुमधिद्यः अर्थात् भद्रकाली

नं विद्यमान जुयाच्वंगु हे जुल । आः श्व महाकाद्यः व भद्रकाली
 स्थापना यानाः नेपामितय्गु धार्मिक भावना व सांस्कृतिक
 जागरणयात शैतकनं जीवित यानावंह्य मन्त्रसिद्धि महाविहार
 (सवलबहाल) या बज्राचार्य शाश्वत बज्रयात ह्यसीकेगु जूसा
 श्व बःचायेगु सफू मपुइकूसें गाइमखु । बज्राचार्य शाश्वत
 बज्रं कलिगत वर्षं ३८२२ स गुगु उद्देश्य गुगु लक्ष्य न्ह्यःने
 तयाः पुरश्चरण, योग, ध्यान, साधना, आराधना याना बिज्यात
 जुइ, गुलि तान्त्रिक करामत व प्रदर्शन क्यना बिज्यात जुइ व
 फुकया लिच्वः कथंहे सिद्धि प्राप्त यानाः आकाशचारी
 महाकाद्यः व भद्रकालीयात स्वनिगलय् बिज्याकाः श्नीतः श्नीगुहे
 पहःयागु शुद्धगु लोकधर्म व लोकसंस्कृति ब्वल्लङ्का बिज्यागु
 जुल । थुजोगु ऐतिहासिक तथ्य न्ह्यब्वयाः तःगु श्व सफू
 आकार प्रकार्य बःचाधंगुहे जूसां श्व ला घडीया बालकमानीथे
 धकाः श्नीसं मधासें जीला ? थुजोगु सफू ब्वनकिहे श्नीके थःगु
 धर्म व संस्कृतिप्रति आपालं प्रेरणा बिलिबिलि जायावइगु
 जुल ।

खँ थुलिजक नं मखु । पं. बद्रीरत्न गुरुजुं नांदेपि
 शक्तिशालीपि बज्राचार्यपिनिगु ऐतिहासिक क्रमया विवरण व
 देवदेवतापिनिगु स्थापना सम्बन्धी खँ ब्वया क्यनेगु (नापनापं
 श्नीगु साहित्य व सङ्गीत विधा गुलितक तःमि तथा च्वन्ह्याना-
 च्वंगु जुल धइगु खँ नं उलाक्यना बिज्यात । बज्राचार्य
 शाश्वतबज्रं रचना याना बिज्यागु) थोथी विधायानु सफूजकहे

[त]

नं १७ गु खनेदत गथेकि— (१) पुष्पचक्र (२) काकाशवा तुलाकोटि कालीनाम (३) श्रीचक्र संवर सेक्त क्रियाकर्म (४) श्री संवर वृत्तितत्त्व शारदा नाम्नि (५) संवर लूहि-भिसमया बृद्धि (६) बाह्य पूजा विधि संग्रह (७) हस्त पूजा विधि (८) तारा साधना (९) आर्य तारा साधन नाम (१०) एकजटी साधन (११) क्रोध तारा वल्यूपहार (१२) एकजटी तारामती वर्धन (१३) तारादेव पञ्च साधन (१४) वारुणतारा साधन (१५) तारा शून्य साधन (१६) करुण तारा विश्व कर्मा साधन (१७) आदर्श प्रसार-नाम तारा भट्टारिकोपदेश ।

सङ्गीतया ख्यलय् नं साधक बज्राचार्यजुपिन्सं थीथी राग, तालस रचना याना बिज्यागु चचा (चर्या गीत) यागु विशेष वर्णन थ्व सफुतिइ दुथ्यानाच्वंगु दु । बज्राचार्य शाश्वतबज्रं 'पञ्च कपाल' नांगु चचा तत्काल रचना यानाः थुकियागूहे साधनां सुपाञ्ज् दुने सुलाच्वंह्य बज्रवीर महाकाल-यात थःगु बशय् हया बिज्यात । थ्व छु नेपाल सङ्गीतयागु तःधंगु चमत्कार मखुला ? थथेहे थ्व सफुतिइ तक्षबहायाह्य मेह्य बज्राचार्य सुरतबज्रं सँदेशं नेपाःदे ल्याहां बिज्याबलय् अतिकं तःजागु, तःब्यागु ब्रह्मपुत्र खुसिस कसाय्गा लायाः 'जयवाञ्छली' चचा हालाः नेपाल सङ्गीतयागु चमत्कार क्यना बिज्यागु प्रसङ्ग नं अतिकं उल्लेखनीय जूगु दु) ।

बज्राचार्यजुपिन्सं रचना यानाः साधना यानाः हालाच्वंगु

चचायागु विवरण गुलिनं थ्व सफुतिइ दुथ्याका ब्वयातल, थ्व थौंयागु नेपाल सङ्गीतयागु अध्ययन, अन्वेषण व अनुसन्धानया छगू तःधंगु अतिकं आवश्यक जुयाच्चंगु विषयवस्तु जूगु दु । अझ राष्ट्रिय दृष्टिकोणं बिचायायेबलय् थ्व फुक नेपालमित्यगु राष्ट्रिय निधिहे जूगु दु ।

थ्व बःचाधंगु सफू ब्वने धुंकाः थुकिया लिच्चःकथं जितः मेगु छगू छु धायेमास्ति वल धाःसा थाय् थासय् त्वाल्य् बाखं कना बिज्याइह्य पं. निष्ठानन्द बज्राचार्यजुं संस्कृत भाषास च्वयातःगु 'ललितविस्तर' माँ भाशा नेवाः भाषां हीकूबलय् थःह्यं कनेगु बाखँया मौलिक शैलीं यानाः नेवाः भाषा व साहित्यया ख्यलय् गद्य विधाया छगू अपूर्वगु शैली नं सृजना जूवंगु जुल । थ्वहे लिधंसाय् झीसं पं. निष्ठानन्द बज्राचार्ययात 'गद्य गुरु' धया वयागु जुल ।

जि स्यूकथं थौं पं. बद्रीरत्न गुरुजुं नं आपलं थासय् आपलं बाखँ कना बिज्याये धुंकल । वसपोलयानं बाखँ कनेगु थःगु हे मौलिक शैली विकसित जुइ धुंकूगु जुल । अझ वसपोलं धर्म व संस्कृतिया लिधंसाय् माँ भाषाया धुकू जायेके कथं तःधंगु चीधंगु आपालं सफू च्वयाः पिथना बिज्याये धुंकल । नेपालय् शिन्न्यागूगु विश्व बौद्ध सम्मेलन जूबलय् नं, अन्तर-राष्ट्रिय क्षेत्रय् प्रचार प्रसार जुइगुकथं वसपोलं च्वया बिज्यागु नेपाःया बौद्ध धर्म व संस्कृति विषयक सफू अंग्रेजी भाषास

[६]

हीकाः आनन्दकुटी विहार गुठीया पाखें पिदने धुंकूगु नं जुल ।

थौं पं. बद्रौरत्न गुरुजुं धर्म व संस्कृतिया उत्थान व विकास यायेत तथा संरक्षण बीत गुलिनं उल्लेखनीय ज्याखें याना बिज्याना वया चवन थ्व झीसं स्यूगु व थूगुहे खं जुल । वसपोल गुरुजुयात तिवः बीपि आपलं धर्मचित्त दुपि श्रद्धालु दातापिनं यक्कों न्ह्यःने वयाच्वंगु खने दु । वसपोलया एकसें एकपि थिष्य मचात नं यक्कों तयार जुया वयाच्वंगु खने दु ।

थुजोगु शुभ बेलास बज्राचार्यपिनिगु परम्पराय् बज्रयान चर्याया छह्य सफल साधक, छह्य कुशल व्याख्याकार तथा छह्य सिद्धि प्राप्त प्रयोजन जुया बिज्याकह्य पं. बद्रौरत्न गुरुजुं हाला बिज्यागु थीथी राग व तालया चचा (चर्यागीत) तथा वसपोल कना बिज्यागु बाखंयात सुनियोजित ढङ्गं रिकर्ड यानाः सकसिनं न्यने दैगु थ्वीके दैगुकथं (पाल्पाय्, पोखराय्, भोजपुरे, धनकुटाय्, चैनपुरे, कालिम्पोङ्गय्, दार्जीलिङ्गय् इत्यादि थासय् चर्वापि नेवाःतय्सं न) माःथाय् माःकथं प्रसङ्ग हनाः लोकं येकीगु स्तरीय क्यासेटया रूपय् पिथनेगु छगू स्यल्लागु ग्वसाः यायेफुगु जूसा, धर्म व संस्कृतिया संरक्षण व सम्बर्द्धनया ल्यूल्यू झीगु मांभाषा नेवाः भाषाया स्तर व इज्जत, महत्त्व व विशेषता तथा थुकिं राष्ट्रिय व अन्तर्राष्ट्रिय क्षेत्रय् लाकीगु प्रभाव यक्को यक्कोहे दइगु खना । झीसं इलय् थूलि याये फत धाःसा

(श्री ५ या सरकार, नेपाल रेडियो नं, नेपाल टेलिभिजनं श्रीगु
 मांभाषा नेवाःभाषां नोंवाकेगु व म्ये हायेके बीगुला छु, ध्यबा
 कयाः विज्ञापन तकनं याके मब्यगु इलय्) श्रीसं नुगः मछिका
 च्वने माली मखु । बरु इलय्हे श्रीसं थुलि ज्याखँ पूर्वके मफत
 धाःसा चर्यासङ्गीत प्रवीण तथा कथावाचस्पति जुयाच्वना
 बिज्याह्यपं. बद्रीरत्न गुरुजु छन्हु मदयावनकि वसपोलया ल्यूल्यु
 श्रीगु जीवित संस्कृतिया आपलं अमूल्यगु निधि नं अपूरणीय
 क्षति जुयावनी ।

थुकीं श्री सकसिनं दूरदर्शी जुयाः इलंताःबलय्हे बिचा
 याये माल, सकसिनं नं फुगुचवःगु ग्वहालि यायेमाल । अस्तु ।

यले, बखुंबाहा

ने. सं. ११०६ यंघापुह्नी

—सत्यमोहन जोशी

छत्वा खँ

श्री बद्रीरत्न गुरुजु नेपादेशया गुरुजुपिनिगु हितया लागी
 दत्तचित्त जुया बिज्यागु जिजक मखु सकसिनं स्यूगु खँ खः ।
 श्वहे उद्देश्यं वसपोलं पूजा कर्मकाण्ड स्यना आपाल गुरुजुपिनि
 मस्तेत शिक्षा बिया बिज्यागु खँ नं सकस्यां स्पू ।

उलिजक मखु कर्मकाण्ड यागु सफुत नं आपालं प्रकाश
 याना बिज्यागु दु । श्व खँ कम महत्व यागु खँ मखु । कनेयापि
 गुरुजुपिसं ह्य मसिया राष्ट्रयागु हे गौरव खँ नं मदैगु खंयात
 विचार याना श्री बद्रीरत्न गुरुजु प्राचीन यापि भज्राचार्यपिनिगु
 परिचय जुइगु सम्क्षिप्त प्रसिद्ध ह्यापायापि बज्राचार्यपि धैगु
 ग्रन्थ प्रकाशयाना “सुनमाथि सुधन्ध धैगु” उखान यात चरितार्थ
 याना बिज्यागु जुल । श्व प्रकाशनया निम्ति जिगु दुनुगलं निसे
 धन्यवाद दु ।

२०४६ भाद्र १७ शुभम्

— दिव्यबज्र बज्राचार्य

नित्वा खँ

श्री बद्रीरत्न बज्राचार्यं संग्रह याना बिज्यागु काठमाडौंस दयाचर्वापि पुलापि स्वनिहा बज्राचार्यपिनि छोटकरी परिचय बिया बसपोलपिसं याना थकुगु कृतिया नं संग्रह याना: बज्राचार्यपिनि ऐतिहासिक खोजी याइपि विद्वान्पिन्त अतिकं गुहाली जुइ धयागु जिगु विश्वास खः ।

जि थें जाःहा गामा भिक्षुयात ला थ्व संग्रह स्वयाः पुलापि बज्राचार्यपिनि तान्त्रिकया प्रभाव खना यक्को ज्ञां दत । जिपि गामातय्सं काठमाडौंस दयाचर्वापि पुलापि शक्तिशाली बज्राचार्यपिनिगु खँ छुनं मस्यु ।

अतः अथे खोजी याना संग्रह यायेगु साब बांला । थथे यायेगुलिं याना झोगु देशे चर्वापि पराक्रमीते खँ सकसिनं सीके फइ । थुजागु खँयात दन्तेकथा थें जक याना मतःसे ऐतिहासिक रूप बियेत आः दुपि बद्रीरत्न बज्राचार्य थें जाःपि पण्डितपिसं उत्साह बढे याना आः नं झीपि तन्त्रया प्रभाव क्यने फूपि जुब्

[६]

कय्माः धका उत्साह बडे याना यंकूसा अवश्यमेव, न्ह्याह्यहे,
षःजुहमा, बौद्धते निति गुहालि हे गुह, तिवः हे जुइ । बव्रीरत्न
बज्जाचार्य यात भितुना दु ।

आनन्द कुटी विहार
स्वयम्भू, काठमाडौं ।
फोन- २७१४२०

— भिक्षु अमृतानन्द
आश्विन ५, २०४६
बु. सं. २५३३



Dhamma.Digital

विषय-सूचि

विषय	पृष्ठ
प्रकाशकीय	क
जिगु खँ	ग
नसला	ट
जिगु धापू	ढ
छत्वा खँ	न
नित्वा खँ	प
१. श्री मञ्जु देवाचार्य	१
२. श्री शान्तिकराचार्य	३
३. श्री वाचासिद्धि	७
४. श्री ओडियानाचार्य	८
५. श्री बन्धुदत्त आचार्य	११
६. श्री बज्रपाद बज्राचार्य	१४
७. श्री ॐ कारबज्र बज्राचार्य	१६
८. श्री हूङ्कारबज्र बज्राचार्य	१७
९. श्री शाश्वतबज्र बज्राचार्य	१८
१०. श्री वाक्बज्र बज्राचार्य	२६
११. श्री परमादिबज्र बज्राचार्य	२८

[५]

१२. श्री रत्नबज्र बज्राचार्य	२६
१३. श्री रत्नबज्र बज्राचार्य	३२
१४. श्री जीवचन्द्र बज्राचार्य	३४
१५. श्री लीलाबज्र बज्राचार्य	३६
१६. श्री मञ्जुबज्र बज्राचार्य	४०
१७. श्री अमोघबज्र बज्राचार्य	४१
१८. वन्नकृतदेव बज्राचार्य	४२
१९. श्री सिद्धिबज्र बज्राचार्य	४३
२०. श्री हासबज्र बज्राचार्य	४४
२१. श्री विलासबज्र बज्राचार्य	४४
२२. श्री महासूखबज्र बज्राचार्य	४५
२३. श्री श्रीबज्र बज्राचार्य	४६
२४. श्री अनूपमबज्र बज्राचार्य	४७
२५. श्री विक्रमबज्र बज्राचार्य	४७
२६. श्री मुनिन्द्रबज्र बज्राचार्य	४८
२७. श्री शिवबज्र बज्राचार्य	४८
२८. श्री गीतबज्र बज्राचार्य	४९
२९. श्री समरसबज्र बज्राचार्य	४९
३०. श्री तथागतबज्र बज्राचार्य	५०
३१. श्री स्वयम्भूबज्र बज्राचार्य	५०
३२. श्री इन्दुबज्र बज्राचार्य	५१





न्हापायापिं प्रसिद्ध बज्राचार्यपिं

Dhamma.Digital

१. श्री मञ्जु देवाचार्य

नेपाल मण्डलया न्हापांहा बज्जाचार्य महामञ्जुश्रीया
निर्माणकाय मञ्जुदेवाचार्य खः ।

सत्ययुगय् नेपालय् हिमालय पर्वतं चाःहुलाच्चंगु नागवास
नांगु छगू बह दु । थ्व नागवास दहया क्षेत्रफल न्हय्क्वय् हाकः
ब न्हय्क्वय् ब्या दु । थ्व नागवास बहलय् सत्ययुगया प्रथम
चरणय् बन्धुमती शहरं बिज्याःम्ह विपश्ची तथागतं ज्योतिरूप
उत्पत्ति जुइगु पलेस्वांया पुसा पिना बिज्यात ।


शिखी तथागतया पर्यायस थ्व नागवास दहनय् द्दलंदः
हः दुगु पलेस्वां हूल । थ्वहे पलेस्वांया छोने ज्योतिरूप स्वयम्भू
उत्पत्ति जुयाबिज्यात । महाचीन देशया न्यागू चक्का लूगु गुं
दुगु पञ्चशीर्ष नां जुयाच्चंगु पर्वतं मञ्जुश्रीया निर्माणकाय
मञ्जुदेवाचार्य केशिनी व उपकेशिनी थः निहा पत्नीपि व
चीनया राजकुमार सहित महाचीनया लोकजनपि नापं ब्वनाः
थ्व नेपालया नागवास दहनय् उत्पत्ति जूगु ज्योतिरूप स्वयम्भूया
दर्शन यायेत बिज्यात ।

मञ्जुदेवाचार्यं नागवास दहनय् उत्पत्ति जूगु ज्योतिरूप
स्वयम्भूया दर्शन यायेधुंकाः थमं ब्वनाहयापि लोकजनपिन्त

【२】

अन हे वास दयेकाः तयेगु विचार यानाः थुगु दहंया दक्षिण
क्वय्पाखे क्वदुवाःया न्हुछेकाप धयागु थासय् पर्वतया ल्वहं
तछ्चानाः दहंया लः पितछ्वया बिज्यात । लः फुक पिहां वसेलि
क्व थाय् उर्वरा बुँया रूपय् परिणत जुल व थन मञ्जुदेवाचार्यया
नामं मञ्जुपट्टन वा राजपट्टन धयागु नगर निर्माण जुल ।
मञ्जुदेवाचार्यं थःगुलिसें ब्वनाहयाम्ह धर्माकर राजकुमारयात
थुगु देशया राजा यानाः अभिषेक बिया बिज्यात ।

(थुगु विषयया विस्तृत वर्णन स्वयम्भू पुराणय् दु) ।



२. श्री शान्तिकराचार्य

गौड देशया महाराज प्रचण्डदेव काश्यप बुद्धया आज्ञा अनुसार थः काय् राजकुमार शक्तिदेवयात राज्याभिषेक बियाः थः रानी सहित वीरमती पीठय् पूर्व सेवाया लागी बिज्यात । देशान्तर चाःहिलाः चतुर्विंशति पीठ पत्तिकं पीठ सेवा पूजा याना बिज्यात । नेपाल मण्डलया उपछन्दोह पीठय् थ्यंकाः श्री गृहेश्वरी पीठय् पुरश्चरण याना बिज्यात । वसपोलं स्वयम्भू ज्योतिरूपया दर्शन याना बिज्यात । अले वीतराग जुयाः मञ्जुदेवाचार्यया प्रथम शिष्य गुणाकर बज्राचार्य द्वारा प्रव्रज्या संवर कथाः शान्तश्री नामक भिक्षु जुया बिज्यात । प्रव्रज्या संवरं पूर्णवृत्ति प्राप्त यानाः शान्तिकराचार्य धयाह्य प्रसिद्ध बज्राचार्य जुया बिज्यात ।

शान्तिकराचार्य स्वयम्भू ज्योतिरूप त्वपुयेगु तःधंगु इच्छा यानाः दश विक् लोकपालपिनिगु सहायता कयाः स्वयम्भू ज्योतिरूपयात रत्नशिलां त्वपुया बिज्यात । थुगु रत्नशिलाया द्योने चैत्य दयेकाः प्रतिष्ठा कर्म याना बिज्यात । वसपोलं दयेका बिज्याःगु स्वयम्भू चैत्य अद्यापि क्षीगु न्ह्योने शान्ति व ज्ञानया सन्देश बिया दनाच्चंगु दु ।

[४]

ध्वसपोल शान्तिकराचार्यं थुगु स्वयम्भू चैत्यया
छ्वाख्यरं न्यागू पुर स्थापना याना बिज्यात । स्वयम्भू चैत्यया
अग्नेय कुनय् वसुपुर धकाः वसुन्धरा देवी स्थापना याना
बिज्यात । थथे हे नेऋत्य कुनय् वायुपुर धकाः वायु देवता
(फय्खवाः छो), वायुव्य कुनय् अग्निपुर धकाः अग्निदेवता,
उत्तर दिशाय् अमोघसिद्धि तथागतया न्ह्योने नागपुर धकाः
बसिगालय् वरुण नाग स्थापना याना बिज्यात ।

स्वयम्भू चैत्यया वायुव्य कुनय् उत्तर दिशापाखं शान्तिपुर
स्थापना याना बिज्यात । थुगु शान्तिपुरया भवनया, पूर्व-
पश्चिम व्या व दक्षिण उत्तर हाकः जुया च्वन, थुगु मन्दिर
दुहां वनेगु लुखां दक्षिण दिशा स्वया च्वन । तर न्हापा न्हापा
थुगु भवनया लुखा पूर्वपाखं स्वयाच्वंगु खः धयागु उल्लेख जुया-
च्वगु दु ।

शान्तिपुरया दुने गुंगु अभ्यन्तर कोथाय् संवर देवताया
मूर्ति दु । थन २७ गूगु कोथाया दुने थ्यी सुख दिवर धयागु
गुफाय् चिन्तामणि घट जवय् तयाः, चिन्तामणि रत्न देपाय्
तयाः, चिन्तामणि वृक्षं कुइकाः, श्री शान्तिकराचार्यं पूर्वपाखे
स्वयाः आस्फानक समाधि योगय् च्वना बिज्याःगु जुल ।

राजा गुणकामदेवया पर्यायस नेपालय् अनावृष्टि जुयाः
तसकं हाहाकार जुल । थुगु बखतय् शान्तिकराचार्यं नव नाग

साधनायानाः, वहे नव नागपिके च्वंगु हि कयाः थुगु हि मण्डल
 च्वयाः पूजा आराधना याना बिज्यात । थुगु पूजाया प्रभावं
 वृष्टि जुल । लोकजन अनिकालया दुःखं मुषत जुल । थुकिया
 विस्तृत वर्णन वृहत् स्वयम्भू पुराणय् उल्लेख जुयाच्च्वंगु दु ।

ने. सं. ७७८ स नेपालय् हानं वा मगानाः हाहाकार
 जुल । वा वयेकेया लागी नाना उपाय यात । तर था गाःगु
 मखु । उर्कि राजा प्रताप मल्ल मखंबाहाया शान्तिकरचार्यया
 सन्तान बज्राचार्य छम्ह व साम्हागुं स्थानया चिन्तामणि वन्द्यजु
 छम्ह नापं निम्हेसित ब्वनाः थः शान्तिपुरया दुने दुहां बिज्यात ।
 वसपोलं व हे नव नागया हि च्वयातःगु नागमण्डल पित हया
 बिज्यात । थुगु नागमण्डल निभालय पित हयेवं वर्षा जुल ।
 प्रजा लोकया दुःख तन ।

थुगु खं शान्तिपुरया न्हापांगु कोथाया दुने, निगूगु
 लुखाया रिने जवसं तुं शिलापत्रय् अङ्कित जुयाः साक्षी स्वरूप
 थौतक नं घस्वानाच्च्वंगु दु ।

प्रत्येक वर्षया चैत्र कृष्णपक्षया अष्टमी खुन्हु स्वयम्भू
 चैत्यया अमिताभ तथागतया न्ह्योने ये देशया झिच्यागू बिहारया
 देथाय्पा चक्रेश्वर, राजगुरु व मेपिं थाय्पा पित्त, झिच्यागू
 बिहारय् न्हू चूडाकर्म याःपिं बज्राचार्यपिसं गुरुमण्डल धलं दने
 धुंकाः ग्वय् ग्वाः किसली लःल्हायेगु याइ । थुलि धुनेवं न्हू

[६]

बज्राचार्यं च आचार्यं सङ्घं प्रवेशं जूगं जुइ ।
चक्रेश्वरं सहितं सिद्ध्यागं विहारया बज्राचार्यं च सम्बुद्धं
जुयाः शान्तिपुरं पूजां जुइ । थुखुन्हु ये देया सकलं बज्राचार्यं च
थुगं आचार्यं गुयिइ सम्मिलितं जुयेमाः गुं जुल । थुगं परम्परा
आतकं नं न्ह्यानाच्चं गुं वनि ।



३. श्रीवाचासिद्धि

ज्ञानाचार्यं व वाचासिद्धिं बज्राचार्यं छह्य हे खः । थुह्य
आचार्यं सक्वदेशया मणिशिला पर्वतया मणिलिङ्ग धयागु
थासय् योम ध्यान याना बिज्यात । योगाभ्यासय् च्वंच्वं
श्वसपोलयात श्री उग्रतारा देवीया दर्शन लात । थुगु दर्शनया
प्रभावं ज्ञानाचार्ययात वाचा सिद्धि प्राप्त जुल । उकिं श्वसपोल
वाचासिद्धिया नामं प्रसिद्ध जुया बिज्याःगु जुल ।

वाचासिद्धिं मञ्जुपट्टन नगर विक्रमशील महाविहारया
ज्ञानवती धयाह्य मय्जुलिसे विवाह याना बिज्यात । थुम्ह
ज्ञानवतीयापाखें काय्मचा छह्य दत्त, श्वया नां ज्योतिदेव
जुल । वाचासिद्धि व ज्योतिदेव बी काय् निम्हेसिनं उग्रतारा
खड्गयोगिनी स्थापना याना बिज्यात । लिपा मणिलिङ्ग
पर्वतया क्वय् शङ्ख बालूगु देश निर्माण जुल । थुगु देशय्
शङ्खदेव धयाम्ह जुजुं राज्य यात । थुगु देशया नां शङ्ख्या
आकार वःगु व शङ्खदेवं राज्य याना च्वंगु जुयाः शङ्खपुर
धकाः प्रचार जुल । शङ्खदेव जुजुं ह्यासुख्वाः माज् खड्गयोगि-
नीया स्थापना याना बिज्यात ।



४. श्रीओडियानाचार्य

नेपालया फंपी देशय् बज्जयोगिनी देवी स्थापना याना बिज्याःह्य आचार्य श्रीओडियानाचार्य खः ।

श्रीओडियानाचार्य कपिलपुरयाह्य खः । वसपोल अष्टसिद्धि लायेगु कामना यासे पूर्व सेवा पूजाया क्रमय् पीठ-उपपीठ परिक्रमा यायां नेपाल मण्डलया उपछन्दोह पीठय् थ्यंकाः श्री नैरात्मा गुह्येश्वरी देवीया पूजा आराधना याना बिज्यात । वसपोल श्रीओडियानाचार्य विभिन्न तीर्थया पीठपत्तिकं चाः हुहुं फंपि देशया पश्चिमय् च्वंग् पर्वतय् च्वनाः न्या दुया जज्ञ याना बिज्यात । वसपोलया जज्ञ यानाच्वना बिज्याःथाय् कामधेनु सा वयाः दुरु हायेकाः वइगु जुल । थुगु समयय् नागा भरणं तियाच्वंह्य सुवर्णवर्णविष्कम्भि बोधिसत्व धालसां फणकेश्वर थुगु थासय् च्वना बिज्याःगु जुल ।

वसपोल विष्कम्भीया आज्ञा अनुसारं श्रीओडियानाचार्यं थनं मेगु पर्वतय् वनाः थःगु ह्यय् च्वंगु ला ध्यनाः यज्ञय् दुया मांसाहूति धयागु यज्ञ याना बिज्यात । थुगु यज्ञशालां रक्तवर्णं, छपाःह्वाः, जब ह्लातं कर्ती व खव ह्लातं पात्र ज्वनाः छपाः

तुति पृथ्वील्य् चुयाः मेगु तुति आकाशय् थथिनाः श्री बज्र-
 बोधिनी देवी प्रकट जुया बिज्यात । श्री बज्रयोगिनी देवीं
 ओडियानाचार्ययात थुगु जन्मय् मखु मेगु जन्मय् तिनि छन्ता
 अष्टसिद्धि प्राप्त जुइ धकाः आज्ञा जुसे अन्तर्धान जुया बिज्यात ।
 ओडियानाचार्यं थह्यं दर्शन लानाह्य बज्रयोगिनी देवीया
 चायाह्य मूर्ति दयेकाः थन हे स्थापना याना बिज्यात । थुह्य
 बज्रयोगिनी फंपिया बज्रयोगिनी धकाः आतकं नं प्रसिद्ध
 जुयाच्चंगु दनि ।

थनंलि ओडियानाचार्यं कच्छप पर्वतया क्वय् लाःगु
 क्वय्लाः धयागु थासय् आपालं देव-देवीपि निमन्त्रणा यानाः
 पूजा याना बिज्यात । थुगु पूजाय् कच्छप पर्वतया थुवाःयात
 निमन्त्रणा मयाःगु जूल । मेपि सकसितं सःताः थःत मसःतुगुलि
 पर्वतया थुवाः तच्चकं तं चायाः उह्य ओडियानाचार्ययात स्याये
 धकाः ताहा व कीतसें पर्वतय् प्वाः खंकाः व पर्वत हें क्वःथले
 धकाः सन । किसिया छ्यंगुलि ह्यय् भुनाः ओडियानाचार्ययात
 ह्याः वल । ओडियानाचार्ययात आपद वःगु खनाः विघ्नान्तक
 प्रकट जुयाः ओडियानाचार्ययात ह्याः वःह्य पर्वत थुवाःयात
 मस्तक हे तज्याक दण्डं प्रहार याना बिज्यात । पर्वत थुवाः
 क्वइनाय गणेश जुयाच्चन । थथे क्वइनाय गणेश थःगु साक्षात्
 रूपय् प्रकट जुसेंलि ओडियानाचार्यं थुह्य क्वइनाय गणेशयात
 यथायोग्य पूजा याना बिज्यात ।

थौकन्ह्य चखुंति बखुंति धयागु थाय् थ्वहे क्वड्नाय
गणेशं ओडियानाचार्ययात स्यायेत ताहा व कीतय्त पर्वतय्
ह्वः खंके व्यूगु थाय् खः ।

ओडियानाचार्यं थनं स्वयम्भूया ल्यूने च्वंगु आदेश्वर
धयागु स्थानय् वनाः योग याना बिज्यात । खगर्भं बोधिसत्व
थन बिज्यानाः ओडियानाचार्ययात थथे भविष्यवाणी याना
बिज्यात— “ओडियानाचार्य, थुगु जन्मय् छन्त अष्टसिद्धि प्राप्त
जुइमखुनि । मेगु जन्मय् छन्त अष्टसिद्धि प्राप्त जुइ । नेपालय्
लोकनाथ बिज्याकीह्य नं छ हे जुइ ।”

थ्व खँ व्याक्कं अष्ट वैतराग माहात्म्यय् दुगु जुल ।

ओडियानाचार्यं “अद्वयसिद्धि” व “कुलिक माततत्व
निर्णय” धयागु निधाः सफू च्वयाथका बिज्याःगु दु ।



५. श्रीबन्धुदत्त आचार्य

बन्धुदत्त आचार्य शान्तिकराचार्यया शिष्यः ।

नेपालय् झिनिर्दे तक वा मवयाः हाहाकार जुल । अनि-
काल जुल । थुगु अनावृष्टि तंकेत खवप देशया जुजु नरेन्द्रदेव,
ये देशया आचार्य बन्धुदत्त बज्राचार्य, यल देशया किसानि
रथचक्र कर्कोटक नागराज सहित कामरु कामाक्षय् बिज्यात ।
राक्षसया कुलय् जन्म जुया बिज्याःह्य लोकनाथयात नेपालय्
व्वना ह्येत राक्षसतय्त चित्त बुझे यानाः तच्चक्रं दुःख सिखा
बिज्यात । बन्धुदत्त बज्राचार्य साधना द्वारा भम्बः जुया
बिज्याःह्य लोकनाथयात कलशय् प्रवेश याकाः नेपाल मण्डलय्
हया बिज्यात । अष्टनाग आसन यानाः ध्यान यानाच्चंहा
गोरखनाथ, (लोकनाथ, मत्स्येन्द्रनाथ) नेपालय् थ्यंकः बिज्यात
घयागु सः न्यनेवं आसनं दनाः वसपोलया दर्शन यायेत बिज्यात ।
अष्ट नागत बन्धनं मुक्त जुल । नेपालय् जल वृष्टि जुया
ह्लापाया थें सहकाल जुल । थ्व खें व्याक्कं बंगद्योया वंशावलिइ
दुगु जुल ।

ये देश तेबाहाया थ्वसपोल बन्धुदत्त आचार्य ह्यय्पि
पर्वतया चा कयाहयाः थुकिया लोकनाथया मूर्ति दयेकाः स्थापना

[१२]

याना बिज्यात । थुगु हे मूर्ति दयदसं रथय्, तयाः यलय्
बुंगद्योया रथयात्रा यायेगु चलन जुल ।

महाराज नरेन्द्रदेवं बन्धुदत्त आचार्यया आज्ञाकथं
कान्तिपुरय्, राजकीर्ति महाविहार दयेका बिज्यात । थुगु
विहारयात थौकन्हय्, तेबाहा धाइगु जुल । तेबाहालय्, थ्वया
ह्लापा नं छगू विहार दुगु खः । थ्व निगुलिं विहार लिपा छगू
हे जुयावन तर विहार छगू जूसां ववापाद्यो आतक नं निह्य हे
दनी व सुवाहा यायेगु नं निथासं याना वयाचवन ।

तेबाहाया पिने च्वंगु तग्बःगु चैत्य नं महाराज नरेन्द्रदेवं
हे निर्माण याना बिज्याःगु चैत्य खः । थन ह्लापा धवाखा दुगु
खः उकिं थुगु चैत्ययात धवाकासि चैत्य धकाः धायेगु यात ।

थ्वसपोल बन्धुदत्त आचाचार्यं तेबाहालय् पद्मांतक धालसां
पालाहाद्यो स्थापना याना बिज्यात । थुह्य पालाहाद्योयात
बज्रयानीतसें चण्डमहारोषण धकाः व हिन्दू धर्माबलम्बीतसें
सङ्कटा थकाः पूजा याना वयाचवन । तेबाहालय् पूर्वपाखें दुहां
बयेवं जवय्, च्वंगु तग्बःगु चैत्य नं थ्वसपोलं हे स्थापना याना
बिज्याःगु खः । बन्धुदत्त आचार्य द्वारा स्थापित मेमेगु नं चैत्यत
दु । चोबाहालय् चोबाहाया जवपाखे पूर्वपत्तिइ च्वंगु चैत्य व
चोबाहाया ववय्, ववयना गणेद्योया थाय्, च्वंगु चैत्य नं बन्धुदत्त
आचार्यं स्थापना याना बिज्याःगु खः धकाः च्वयातःगु दु ।

थये हे पाक्व इनाप धालसां पकनाय्जोलय् च्वंग् चैत्य नं
 बन्धुदत्त आचार्यं स्थापना याना बिज्याःगु चैत्य खः धकाः
 उल्लेख जुयाच्वंगु दु ।

अन्त्यय् बन्धुदत्त बज्राचार्यं थः गुरु शान्तिकराचार्यया
 आज्ञानुसार जुजु नरेन्द्रदेवया नुगलय् लुयावःगु खं पूर्णं यायेत
 लोकनाथया पालिङ्ग लीन जुया बिज्यात धकाः धयातःगु दु ।



६. श्रीबज्रपाद बज्राचार्य

विजेश्वरी स्थापना याना बिज्याःह्य तान्त्रिक आचार्य
बज्रपाद बज्राचार्य खः ।

नेपाःगालं पूर्वपाखे पाञ्चाल (पनौती) देश दु । थन
बज्रपाद बज्राचार्य नांहा छहा बिद्वान् यक्व शिष्यत मुंकाः
आखः ब्वंकेगु यानाचवन । धाम्हेसित धाःधाःगु शास्त्र विद्या
स्यने कने यानाचवन । शिष्यपि थन विद्याध्ययन यानाः थःथःगु
छेय् लिहाँ वन । तर थुमिसं सुनानं हे थः गुरु बज्रपादयात
जस मब्यू । थथे जूगुलि व बज्रपाद बज्राचार्य शिष्यपिनि
पाखें खिल्ल जुयाः थःगु देश पनौती तोताः कान्तिपुरया निर्मल
तीर्थय् (भचाबुसिइ) वयाः ह्लिह्लि तीर्थ स्नान यानाः फिया
चैत्य दयेका तीर्थ सेवा यानाचवन । थबलय् छहा ध्वंसक वयाः
बज्रपादं दयेकाच्वंगु फिया चैत्य फुक स्यंकाबिल । थ्व निर्मल
तीर्थया सिथय् ल्वहंया चैत्य छगः नं दुगु जुयाचवन । थ्व बौद्ध
धर्म ध्वंस यायेत वःह्य मनुखं थ्व चैत्य नं तच्छयाना बिल ।
थ्व चैत्य तज्यायेवं थनं भगवती देवी प्रत्यक्ष प्रकट जुया
बिज्यात । थुहा भगवती देवी बौद्ध मूर्ति स्यंकेमत्यः घकाः
आज्ञा जुया बिज्यात । थन प्रकट जूह्यं शोभा भगवती व
थ्वया ल्यूनं चैत्य आतक नं दनि ।

बज्रपाद बज्राचार्यं ह्रीं ह्रीं श्रीगणसिमाया हल्य् कुंकुमं
षडक्षरी मन्त्र च्वयाः, पूजा यानाः थुगु निर्मल तीर्थय् च्युयेकेगु
यात । चाह्लय् करवीर श्मशानया योग यानाः च्वंच्वंगु जुल ।

आपालं वर्षं लिपा श्री विद्याधरी देवी आकाशमार्गं
बवया बिज्यासे बज्रपाद थज्राचार्ययात दर्शनं बिया बिज्यात ।
श्री विद्याधरी देवी छपाः ख्वाः, रक्त वर्णं, जब कर्ती, खवं
पात्र उवना खट्वाङ्ग पाच्छायाः तिन्हुयाच्वंगु थें जाःगु स्थान
कयाः बिज्यानाच्वंह्य । आकाश मार्गं बिज्याःह्य जुयाः
वसपोलयात आकाश योगिनी नं धायेगु यात ।

श्री बज्राचार्य देवीया वरप्रसादं कह्लय् खुनु हे व निर्मल
तीर्थय् वया बज्रपाद बज्राचार्यया सकल शिष्यपि सिरपाउ
ब्यू वल । शिष्यपिनिपाखें प्राप्त जूगु धन सम्पत्ति मुंकाः निर्मल
तीर्थया लिबकं च्वंगु उदयागीरी पर्वतद्वयं विहार व थुगु
विहारय् विद्याधरी स्थापना यायेत मन्दिर दयेका बिज्यात ।
बज्रपाद बज्राचार्यं तान्त्रिक मतानुसार श्री विद्याधरी आकाश
योगिनीया मूर्ति स्थापना याना बिज्यात ।

वसपोल विद्याधरी देवीयात थौंकह्य् विजेश्वरी धायेगु
यानाच्वन ।

थुह्य विद्याधरी देवी उत्पत्ति जूगु खं स्वयम्भू महापुराण
निर्मल तीर्थ माहात्म्यय् दु ।



७. श्री ॐ कारबज्ज बज्जाचार्य

ॐ कारबज्ज बज्जाचार्य मन्त्रसिद्धि महाविहार (सबल-
बाहा) याह्म बज्जाचार्य खः ।

वसपोल बज्जाचार्यं थौकन्हय् खुसीबही धाहगु थासय्
विश्वसरोरुह धालसां श्री हेरुक व श्री बज्जयोगिनी स्थापना
याना बिज्याःगु जुल ।

वसपोल ॐ कारबज्ज बज्जाचार्यपाखें रचना जूगु
चर्यागीति कवय् चवया थें जुल ।

चचाया नां	राग	ताल
१. विश्वसरोरुह	कर्णादी	झण
२. गजाजिन	भैरवी	एकताल
३. अष्टचत्वारिंशत्	तोडी	माथ
४. उदयागिरि	नाट	जटी

★★

द. श्री हंकारबजू बजूचार्य

हंकारबजू बजूचार्य नं मन्त्रसिद्धि महाविहार (सबल-
बाहा) याह्य बजूचार्य खः । वसपोलं महायानी बौद्ध ग्रन्थया
नापं चर्यागीति नं चवया थका बिज्याःगु दु ।

हंकारबजू बजूचार्यं चवया थका बिज्याःगु सफूतः—

१. श्री बजूहेरुक साधन
२. श्री सर्वबुद्ध समबोग मण्डल साधन
३. श्री हेरुक नाम साधन
४. श्री बजूयोगिनी विशुद्धि स्तोत्र (प्रकाशित)

हंकारबजू बजूचार्यं चिना बिज्याःगु

<u>चचाया नां</u>	<u>राग</u>	<u>ताल</u>
१. हंजात विश्वरूप	ललित	झप
२. कुलिशोत्पत्ति बुद्ध	मल्लार	माथ
३. जय विघ्नांतक	ललित	झप
४. विश्ववर्ण तनु	मल्लार	झप



६. श्री शाश्वतबज्र बज्राचार्य

नां जाःपि बज्राचार्यपि श्रौं कारबज्र, हूंकारबज्रपिसं
जन्म कयावंगु प्रसिद्धगु मन्त्रसिद्धि महाविहार (सबलबाहाया)
य् शाश्वतबज्र बज्राचार्यया नं जन्म जूगु खः ।

शाश्वतबज्र बज्राचार्यं कलिगत वर्ष ३८२२ स
आकाश मार्गं व्वयावःम्ह श्री बज्रवीर महाकाल साधना यानाः
तुंल्योया पश्चिम भागय् स्थापना याना बिज्यात । थथे हे
जनबाहाद्यो (मत्सेन्द्रनाथ) नं शाश्वतबज्र बज्राचार्यं हे
स्थापना याना बिज्याःगु खः ।

शाश्वतबज्र बज्राचार्यं कलिगत वर्ष ३८२२ स आकाश
मार्गं व्वयावःम्ह श्रीबज्रवीर महाकाल साधना यानाः तुंल्योया
पश्चिम भागय् स्थापना याना बिज्याःगु खं थथे जुल ।

शाश्वतबज्रया छन्हूया दिने न्हिने निभाले च्वना चिकनं
बुया च्वंगु जुल । अबले स्वर्गते तधिगु (भराये) पांगु सूपायं
च्छधी वया निभा द्योयात क्यू वल । अले निभाले च्वना
चिकनं वूया च्वह्य शाश्वतबज्रयात निभालं मखल । वं श्व
छुकिं निभाद्यो कित धका स्वर्गते थः स्वया स्वबले भाराय पागु

हाकुसे च्वंगु सूपाच्चं निभाद्यो किना च्वंगु खन । अले व सूपायं
यात स्वयाहे च्वन, सूपायं चिला मवं ।

अले चिकं बुया च्वंह्य शाश्वतबज्र बज्राचार्यं दिना श्व
छु धंगु सूपायं धका ध्याने च्वना स्वया सूपायंयात कुटुकेगु बिचा
याना शाश्वतबज्र विहारं पिहाँ वया सरासर आगंचपा धालसां
तुंख्योले वन ।

अनलि आगं चपाते च्वना सूपायात कुटुके धका
शाश्वतबज्र बज्राचार्यं योगे च्वना बिज्यात । “आगंचपा”
धयागु तुंख्यो ख । तुंख्यो धका छाया धागु धासां ह्लापा ह्लापा
तुंख्यो द्वंबो जाया सिमात आपाहे दया च्वंगु हान व ख्योले लः
लुया द्वाचा द्वाच्यां तुना च्वंगुलि तुंगु ख्यो धालसां तुंख्यो धागु
खत ।

वहे ख्योले च्वना शाश्वतबज्रं निभाद्यो यात किनाच्वंगु
सूपायं यात मन्त्रया वलं साला कुतु कल व सूपायं कुतु कंगु
याये थोकल्लय “हाकुपाट” धयागु स्थान जुल । व थाये तुकुचा
खुसीया वारी पाखे जुया च्वन ।

शाश्वतबज्रं सूपां कुतु वंगु थासे वना स्व वन । अन
सूपाया दुने च्वंह्य श्रीबज्रवीर महाकालं शाश्वतबज्रयात दर्शन
बिया बिज्यात ।

उगु सूपायया दुने च्वना बिज्याह्य महाकाल बज्रवीर
काशी बिज्याह्य जुया च्वन ।

हानं अनहे च्वना शाश्वतबज्रं सूर्पाय्या दुने च्वना बिज्याह्य बज्रवीर महाकाल यागु ध्यानं पूर्णगु "पञ्चकपाल" धैगु चर्यागीति (चचा) चिना उगु गीत याना चचा हाला पूजा भाव यागु जुल । (थुगु पञ्चकपाल धैगु चर्यागीत धालसां चचा थौया अद्यापि मन्त्रसिद्धि महाविहारया बज्राचार्य पिसं हाला वयाहे च्वंगु दनि ।)

थुलि पूजा भाव धुसैलि शाश्वतबज्रयात वर प्रसाद बिया श्रीबज्रवीर महाकाल आकाशतुं बिज्याःगु जुल ।

अनंलिपा कलिगल ३८२२ वर्य सूर्पांच्वे च्वना बिज्याह्य बज्रवीर महाकालया ध्यान स्वरुपं लोहं याह्य महाकाल दयेका शाश्वतबज्र बज्राचार्यं स्थापना यागु जुल ।

उह्य महाकाल थौया अद्यापि तुह्यो सिथे विद्यमान जुया च्वंगु वहे दनि ।

येँ दे व यल देया दथुइ तच्चतं हताः (युद्ध) जुल । थुगु युद्धय् सीपि उद्दमफयाः फुक छद्दं चिन । थ्व थाय् दोलां अजिमाया पीठ धकाः प्रख्यात जुल । शाश्वतबज्र बज्राचार्यं थ्व निगू देया ल्वापु शान्त यायेत कामरु कामाक्ष पीठय् पूर्वसेवा वनाः श्री भद्रकाली परमेश्वरीयात कताथ्वंया पात्रय् साधना यानाः उगु पात्र कलखय् तयाः नेपाल देशय् हया बिज्यात । देशया पिने थौकन्हय् राष्ट्रिय नाचघरया लिक्क च्वंगु थासय्

श्री कालिका साधन यानाहःगु पात्र दुगु कलः सिमाय् खानाः
शाश्वतबज्र बज्राचार्य थमं साधना याना ह्याह्य श्री कालिका
परमेश्वरीयात लँस्वयाः लसकुस यानाः दुकायेत नगरय् दुने
चवंपि लोकजनपित कनेत बिज्यात ।

थुखे श्री कालिका कलखं पिहाँ वयाः मिसामचाया रूप
कयाः खवखं लँय् उखे थुखे जुया चवन । तुप्या नवलिङ्ग पाखे
वनेत साःकु ववबियाः वःह्य किसान छह्यस्यां थ्व मचा खवखं
जुया चवंगु खन । उह्य किसानं थ्व मचायाके छं मां सु, बौ सु,
छेँ गन धकाः न्यन । मचां छु न मधाः । व किसानं छ
जिलिसे वय न्ह्याला धकाः न्यन । मचां न्ह्याः धकाः छयो
ववात । किसानं थमं ववबुया ह्यागु साः अन हे बँय् प्वंकल ।
खःमुलिइ छखे व मचा व मेखे बजि व थ्वंधः तयाः थःगु बुँपाखे
वन ।

बुइँ थ्यंकाः स्वःबलय् मचा न्ह्यलं व्वानाचवन । व
किसानं मचायात थःगु बलचाय् ह्य बच्छि किचः लाक थ्यनाः
थः बुइँ ज्या याः वन । बजि नयेगु ई जुल कि किसान बजि
नयेत बलचाय् वल । बलचाय् थ्यंकाः स्वःबलय् थःगु बलचाय्
थ्यना थकाह्य मचा नं मद्रु, नयेत हःगु बजि ज्वलं नं मद्रु ।
थ्व खनाः किसान आश्चर्य चाल । अले व मचायात माः जुल ।
माः जुजुं किसानं मचायात खंकल । मचां थःगु मचा रूप तौताः
व किसानयात कालिकाया रूप दर्शन बिल । व किसानं

परमेश्वरीयाके वर प्रसाद कयाः ज्या याः मवंसे छे पाखे स्वयाः
लिहां बल ।

शाश्वतबज्र बज्राचार्य नगरयापि मनूत ब्वनाः श्री
कालिकायात लसकुस यानाः नगरय् दुने यंके धकाः बल । थमं
सिमाय् कलः खाया थकागु थासय् थ्यबलय् थमं साधना यानाः
हयागु पात्र व कलः छ्यालब्याल जुइक कुतु वयाच्वंगु खन । थ्व
खनाः शाश्वतबज्र बज्राचार्य थ्व गथे जुल धकाः आशचयं चाल ।
वसपोलं प्यछयरं मिखा ब्वयाः स्वयाः स्वतं नं कालिकायात
खंका बिज्याये मफुत । थुबलय् हे मचा रूप कालिकायात
खःमुलिइ तयायंकुह्य किसान अन थ्यंकः बल, मनूत हूल
मुनाच्वंगु खनाः थन छु जूगु धकाः न्यन । मनूतसे शाश्वतबज्र
गुरुजुं साधना यानाहःहा कालिका मडुगु खँ कन । थ्व खँ न्यनाः
व किसानं थन मचा छह्य ख्वयाच्वंगु व व मचायाके छेँ गन
धकाः न्यनां छुं मधाःगु, जिलिसेँ वने न्ह्याः ला धयाबलय् न्ह्याः
धाःगुलिं थमं खः मुलिइ तयाः बुँइ यंकागु, बलचाय् थ्यनाथकाह्य
मचा मदयाः माः जुयागु व थुबलय् हे व मचां थःत कालिकाया
रूप वयनाः दर्शन ब्यूगु फुक खँ कन ।

थ्व खँ न्यनाः शाश्वतबज्र बज्राचार्य व वसपोललिसे
लँस्वयेत वःपि फुक मनूत कालिकाया दर्शन यायेत तुप्या पाखे
स्वयावन । तुप्या थ्यंकाः माः जूबलय् कालिकायात मचाया
रूपय् खन । थ्व मचा रूप कालिकायात दे स्वकाः लित ब्वना

हयेतः स्वःबल्य् वयेत माने हे जूगु मखु । ह्ययेकां ह्ययेके
 मफुसेलि शाश्वतबज्र बज्राचार्यं थ्व मचा रूप कालिकायात
 “लुमधि बी, बिज्याहुं नु” धकाः ह्ययेका चां चां हे देशे दुने
 हया बिज्यात । ह्यापाया थासय् थ्यनेवं लुमधि धकाः
 चताः मधिइ ह्यासुक हलुखं पानाः बिज्या बिज्यात ।
 श्री भद्रकालिकायात लुमधि बी धकाः ह्ययेका हःमु थाय्
 अद्यापि नवलङ्ग (नःलि) कालिका पीठया नामं प्रसिद्ध जुया
 ज्वंगु दनी ।

यल देशया पाखें बागमती पारों त्वाः वःपि मनूतय्सं
 कर्णप्रताप ह्याय्पंस्याः द्योया थाय् थ्यंबलय् शाश्वतबज्र
 बज्राचार्यं कालिका साधना यानाहगु धयागु सिल । थ्व
 समाचार न्यनेवं हताः याये धकाः वःपि सकलें उखें तुं बिस्युं
 वन । श्री कालिकाया प्रभावं यल देश व ये देशया युद्ध शान्त
 जुल ।

वसपोल श्री कालिकायात शाश्वतबज्र बज्राचार्यं
 लुमधि बियाः ह्ययेकाहःगु जुयाः लुमधि अजिमा धकाः धाःगु
 खः । वसपोल विशेषतः भद्रकाली नामं प्रसिद्ध जुया बिज्यात ।
 श्री कालिका अन्तर्ध्यान जुया बिज्याःगु थाय् थ्व हे भद्रकालिई
 खः । थुगु पीठयात वैष्णवी मूल जुयाः वैष्णवी पीठ धकाः नं
 धाइ । थ्व लुमधिद्यो ह्यापा उत्तर दिशापाखे स्वयाच्चंगु व
 लिपा जक पश्चिमाभिमुख जूगु खः ।

श्व खँ कलिगत वर्ष ३८२५ यागु खः ।

बसपोल शाश्वतबज्र बज्राचार्यं च्वया थका बिज्याःगु
ग्रन्थया नां थथे खः—

१. पृष्ठचक्र
२. काकाश्या तुलाकोटि काली नाम
३. श्री चक्रसंवर सेक क्रियाक्रम
४. श्री संवर वृत्तितत्व शारदा नाम्नि
५. सम्बर लुहिदभि समयया वृत्ति
६. बाह्य पूजा विधि संग्रह
७. हस्त पूजा विधि
८. तारा साधन
९. आर्योग्रतारा साधन नाम
१०. एकजटी साधन
११. क्रोधतारा बल्युपहार
१२. एकजटीतारामती वर्धन
१३. तारा देव पञ्च साधन
१४. करुण तारा साधन
१५. तारा शून्य साधन
१६. करुण तारा विश्व कर्म साधन
१७. आदर्श प्रसादनाम तारा भट्टारिकोपदेश

शाश्वतबज्र बज्राचार्य चिना विज्यागु चचा नां थथे:

<u>नां</u>	<u>राग</u>	<u>ताल</u>
१. पञ्चकपाल	तोदि	षड्झगर
२. पुर्वब्रह्मायणी	भैरव	झप
३. नेमणि कमल	हिंदोल	माथ
४. बज्रधर पञ्चबुध	मधुमत	दुर्जमान
५. त्रिदल सरोरुह	"	"



Dhamma.Digital

१०. श्री वाक्बज्र वज्राचार्य

वाक्बज्र वज्राचार्य सुवर्णप्रणाली महानगर, थँहिति त्वालया मैत्रीपुर महाबिहार (क्वाबाहा) याह्य आचार्य खः ।

वाक्बज्र वज्राचार्य काशी देशय् तीर्थ चाःह्यू बिज्याः-बलय् जैन मतावलम्बी तीर्थंकरतय् स्तूप स्थापना यायेत सनाच्चंथाय् थ्यन । नेपालं बिज्याःह्य वाक्बज्र वज्राचार्यं अन उर्पि तीर्थंकरतय् थुगु स्तूप स्थापना यायेत जि न्यास तया बी धकाः धया बिज्यात । तीर्थंकरतसें स्वीकृति बिल । वाक्बज्र वज्राचार्यं पञ्चतथागतपिनिगु विजाक्षर साथना यानाः न्यास तया बिज्याये थ्यन । थुबलय् तीर्थंकरतसें वाक्बज्र वज्राचार्ययात बौद्ध पुरोहित धकाः सीकल । उर्कि वसपोलयात न्यास तयेके मबिल ।

वाक्बज्र वज्राचार्यं काशी देशं नेपालय् लिहां बिज्यानाः काशी देशय् दयेकुथे हे जोगु चैत्य दयेकाः थुकिइ पञ्च तथागतया न्यास तयाः दशकर्म आदि प्रतिष्ठाक्रिया यानाः चैत्य स्थापना याना बिज्यात । भारतया काशी देशय् दयेकु थे जोगु ल्वहंया मूर्तिया शैली जूगुलि थुगु चैत्ययात काशी चैत्य वा काशी सिम्बु धायेगु यात । शान्ति घट चैत्यया संक्षिप्त रूप सीधः धकाः नं थुगु चैत्य प्रसिद्ध जुयाचवन ।

लिपा तक्षवाहाया समन्तभद्र बज्राचार्यं थुगु सीधः
चैत्य जीर्णोद्धार यानाः ल्वहं मूर्ति लिक्कयाः धलवतया मूर्ति
स्थापना याना बिज्यात । थ्व ल्वहंया मूर्ति थ्वहे चैत्यया
पश्चिमपाखे चिग्वःगु चैत्य दयेकाः स्थापना यानातःगु
जुल ।

क्वाबाहाया पिने लँपुइ च्वंगु तग्वःगु चैत्य नं वाक्बज्र
बज्राचार्य हे स्थापना याना बिज्याःगु खः ।

वाक्बज्र बज्राचार्यं रचना याना बिज्याःगु महायानी
बौद्ध ग्रन्थया नां निम्म प्रकार जुल ।

१. श्री चक्र संवर तत्वभंग संग्रह
२. श्री कालचक्र सुप्रतिष्ठापायिका विधि
३. बज्रबाराही संक्षिप्त स्तोत्र
४. संवराद्वैत ध्यानोपदेश योग चण्डाली

वसपोलं चचा नं चिनाथका बिज्याःगु दुः—

चचाया नां	राग	ताल
१. रक्तवर्ण	नाट	जटी
२. वामदहिन	मालश्री	माथ
३. हरिहरब्रह्मा	ललित	झप
४. नमामि नमामिजिन धर्म धातु	नाट	जटी



११. श्री परमादिबज्र बज्राचार्य

परमादिबज्र बज्राचार्य मैत्रीपुर महाविहार (क्वाबाहा) याह्य खः । वसपोलं लहुतिया चव्य् पुलां गुह्येश्वरी (नैरात्य-देवी) स्थापना यानाः नागार्जुन पर्वतया वव्य् धिकेपाकु धयागु गुफास बज्रयानया रहस्यमय क्रिया याना बिज्याःगु जुल । वसपोलं चर्यागीति नं चिनाथका बिज्याःगु दु ।

वसपोलं चिना थका बिज्याःगु चचाया

नां	राग	ताल
१. प्रमोदित	मधुमत	दुर्जमान
२. ज्वलितबज्रानल	पञ्चम	झप
३. नमामि २ चण्डमहारोषण,	भैरवी	झप
४. शाश्वतबज्र	देसार	माथ
५. कमल विलासित	निवेद	माथ
६. ज्वलद चक्र (अप्राप्य)	×	×
७. विश्वसरोरुह बिन्दु (अप्राप्य)	×	×



१२. श्री रत्नबज्र बज्राचार्य

रत्नबज्र बज्राचार्य रत्नकेतु महाविहार (इवावहा) याहा खः । वसपोलं योगद्वारा रत्न-वृष्टि जुइगु मुहुर्त लुइकाः थौंकल्लय् इवावाहा धका नां जुयाच्चंगु थासय् योग साधना द्वारा रत्न वृष्टि याना बिज्यात । थन वृष्टि जगु रत्न थुना चैत्य दयेका बिज्यात । थव चैत्य दुगु विहारया नां रत्नकेतु महाविहार धकाः तया बिज्यात । कालान्तरय् थुगु विहारया नां इवालवाहाल जुल । इवालया अर्थ रत्नया झुप्पा व इवाः जुया हायावनिगु खः । थौंकल्लय् थव विहारया नां इवावाहा धकाः प्रचलित जुयाच्चन ।

थुगु रत्नकेतु महाविहारय् च्चंहा ववापाद्यो रत्न सहित खुं खुया यंकाः रत्न जक थवं कथाः ववापाद्यो ह्लाय्कं झालय् वांछ्वया थकल । ह्लाय्कंमा यक्व दुगुलि थव थाय्पात ह्लाय्कं-त्वाः धाइगु खः । इवावाहाया बज्राचार्यपि मुनाः तनाच्चंहा द्यो ह्लाय्कं झालय् लुइकल । गोला तयाः थाय्मडुइ न्हूगु विहार दयेकाः ववापाद्यो स्थापना यात थुगु विहारया नां संस्कृत भाषं रत्नकेतु महाविहार खः । नेपाल भाषां न्हूवहा धायेगु यात । इवावाहायापि बज्राचार्यपि अद्यापि थव हे न्हूवहालय् चूडाकर्नं यायेगु याना वयाच्चंगु दु ।

[३०]

८४ सिद्धा मध्यय् रत्नबज्र धयाह्य नं छह्य सिद्धा दु ।
बसपोल रत्नबज्र बज्राचार्य थ्व ८४ सिद्धाय् दुथ्याःह्य सिद्धा
मखु ।

रत्नबज्र बज्राचार्यं महायानी बौद्ध धर्म सम्बन्धी ग्रन्थ
व चर्यागीति रचना याना थका बिज्याःगु जुल । वसपोलया
कृतिया नां थथे खः :—

१. शून्य बज्रतन्त्र राजवृत्ति
२. श्री हेरुक साधन
३. श्री अक्षोध्य साधन

वसपोलं रचना याना बिज्याःगु

<u>चचाया नां</u>	<u>राग</u>	<u>ताल</u>
१. त्रिदल पद्मोपरि	धनाश्री	चसपति
२. हूंकार संजात	पञ्चम	माथ
३. अंबीज संभव	कामोद	षडङ्गार
४. अतिनील वर्ण	कामोद	षडङ्गार
५. द्विभुज एकमुख	शृङ्गारमालश्री	माथ
६. नृतति परम	मल्लार	झप
७. प्रत्यालीढ पदा	कामोद	षडङ्गार
८. विश्वकमल	मल्लार	झप

६.	रत्नाभरण	ललितमञ्जरि	जटी
१०.	रक्तवर्ण देह	कर्णदी	ज्ञप
११.	श्वेतवर्ण एकमुख	नाट	जटी
१२.	घ्रावि वर्णोद्भव	धनाश्री	चसपती
१३.	श्रीवज्रासन स्थित	कर्णदी	ज्ञप
१४.	त्रिभुवन जननी	नाट	जटी
१५.	सरोजपत्र नयन	रामकरी	जटी
१६.	पवन मण्डल	भैरवी	ज्ञप



★★

Dhamma.Digital

१३. श्री सुरतबज्र बज्राचार्य

सुरतबज्र बज्राचार्य कान्तिपुर असन सुरतश्री महाविहार
(तक्षवाहा) याह्य खः ।

सुरतबज्र बज्राचार्य थः श्रीमतीया क्षुद्र वचनं क्षुब्ध
जुयाः थःगु छे तोताः पिहाँ बिज्यात । श्री गृहेश्वरी देवीया
सेवा आराधना यानाः ऋद्धिसिद्धि प्राप्त याना बिज्यात ।

वसपोल सुरतबज्र बज्राचार्य तिब्बत ह्लासा बिज्यानाः
पोताला लामाजुया दरवार तक नं दुध्यंका बिज्यात । थःगु छे
मि नयाञ्चन धयागु सीकाः वसपोलं ऋद्धि बलं फःबाया च्या
ह्लाः मि स्याना बिज्यात । सुरतबज्र बज्राचार्यया थुगु
ऋद्धि बल खनाः पोताला लामाजुं वसपोलयात नेपाल्य्
मछ्ब्यगु र्वसाः बिज्यात । तर वसपोल सुरतबज्र बज्राचार्य
ब्रह्मपुत्र नदी पार यायेत दुङ्गा मदुगुलि दुङ्गाया पलिसा थःगु
कसाय्गाः लायाः उकिइ च्वनाः 'जयंवाच्छली' च्यागीति
हालाः ब्रह्मपुत्र नदी पार याना बिज्यात ।

वसपोल सुरतबज्र बज्राचार्य मूलश्री महाविहार
(मूवाहाल) य् मूल चैत्य स्थापना याना बिज्यात ।

वसपोलं महायानी बौद्ध धर्म सम्बन्धी ग्रन्थ व चर्यागीति
 नं च्वया बिज्याःगु दु। वसपोलं रचना घाना बिज्याःगु
 ग्रन्थया नां 'आर्यं मञ्जुश्री सङ्गीत्पाथालोक कर नाम' खः।
 चर्यागीतिया नां थथे खः—

<u>खचाया नां</u>	<u>राग</u>	<u>ताल</u>
१. षोडशहायन	ललित	झप
२. नाभि मण्डल	विभास	माथ
३. ए महीमण्डल	भैरवी	शनि
४. जयंबाडछली	पञ्चम	त्रिहुला
५. भास्वर	भैरवी	एकताल
६. विषय विषय	ललित	झप
७. घरघर	विभास	माथ
८. श्री महामञ्जुश्री	नाट	जटी
९. दिनमणि मणुल	तरावली	—
१०. काल्पावस्थित	ललित	—
११. हूंकार संभव	(अप्रप्य)	
१२. सहज सरोरुह	(अप्रप्य)	

★★

१४. श्री जीवचन्द्र बज्राचार्य

जीवचन्द्र बज्राचार्य कान्तिपुर असन सुरतश्री महाविहार
(तक्षबाहा) या सुरतबज्र बज्राचार्यया काय् खः ।

खवप देशया जुजु राय मल्लया पर्यायस खवप देशय्
कुमारी स्थापना यायेत ये देशया प्रसिद्ध सुरतबज्र बज्राचार्यया
काय् जीवचन्द्र बज्राचार्ययात सःताहल । जीवचन्द्र बज्राचार्य
सुरतश्री महाविहारया आगमय् च्वंह्य बज्रदेवी छह्य ज्वनाः
ने. सं. ६११ खवप देशया जुजु राय मल्लया थाय् बिज्याना
कुमारी स्थापना याना बिज्यात ।

कुमारी स्थापना याये धुंकाः जीवचन्द्र बज्राचार्य थःगु
छे लिहां वःगु बखतय् तक्षबाहाया बज्राचार्यपिसं विहारय्
च्वंह्य बज्रदेवीया मूर्ति सुनानं मसीक ज्वनावनाः खवप देशय्
स्थापना यानावःगुलि विहारया सङ्गय् दुथ्याकेगु मखु धकाः
तक्षबाहाया संघं पितिन ।

जीवचन्द्र बज्राचार्य खवपय् तुं लिहां वनाः जुजु राय
मल्लयात थःत तक्षबाहाया संघं पित्युंगु खँ विन्ति याना
बिज्यात । जुजुं आः ये देशय् लिहां वने म्वाल खवप देशय् हे

चर्वे धकाः चतुर्वर्णं महाविहार नांगु विहार दयेकाः जीवचन्द्र
 बज्राचार्ययात अन हे तथा बिज्यात । अक्लेनिसे जीवचन्द्रया
 सकल परिवार थुगु हे विहारय् बास याना च्वंगु जुल ।

जीवचन्द्र बज्राचार्य ३ पु च्चा चिना थका बिज्याःगु
 दु धकाः धयातःगु दु तर व च्चा आः प्राप्य मज्जुल । च्चया
 नां थथे खः—

१. डाकिनी देवी
२. मालादेवी
३. खण्डोरोहादेवी

★★
 Dhamma.Digital

१५. श्री लीलाबज्र बज्राचार्य

लीलाबज्र बज्राचार्य तरुमूल महाविहार (सिकंमूवाहा) याहा खः । नेपा देया राजधानी काष्ठमण्डप धालसां मरुसतः वसपोल लीलाबज्र गुरुजुं हे स्थापना याना बिज्याःगु खः ।

मे, बाजं पिदनकि मरुत्वाःया नासः द्योयाथाय् हयाः द्योह्लाय्माः । मरुत्वाःया नासः द्योया न्होने पश्चिम पत्तिइ गफुथि देगःया पूर्वपत्तिइ च्वंगु दबुलिइ न्ह्याथासं प्याखं हःसां नासः द्योया न्होने च्वंगु दबुलिइ द्यो ह्लानाः प्याखं हुइकेमाः ।

थथेहे छन्हु सिकालिया गं प्याखं हयाः नासः द्योया न्होने दबुलिइ प्याखं हुइका च्वन । अन प्याखं स्वःवपि मध्यय् दबलय् तःधिकःह्य मनु छह्य नं स्वया च्वंगु जुया च्वन । अवल्य हे तरुमूल महाविहारया बज्राचार्य लीलाबज्र गुरुजु नं व सिकालि प्याखं स्वयाच्वंगु जुयाच्वन । वसपोल गुरुं प्याखं स्वःवःपि फुक्क मध्यय् तःधिकःह्य छह्य मनु खना निमित्त ज्ञानं विचाः यानाः व तःधिकःह्य मनूयात तारण तथाः स्तम्भन यानाबिल । लीलाबज्र नं अन प्याखं हे स्वयाच्वन । प्याखं सिधल । सकलें ल्याहाँ वन । तारण तथातःह्य व तःधिकःह्य मनु उखे थुखे न्ह्यावने मफुत । व स्तम्भन जुयाः दना हे च्वन । वं विचाः

यात “जितः स्तम्भन यानाः तारण तल ।” उखे थुखे स्वल, सुं हे मदय् धुंकल । लीलाबज्र गुरुजु छह्य जक बनाच्चंगु खन । वं थुइकल “ध्वं हे जितः स्तम्भन याःगु ख ।” थये धकाः मत्तिइ तयाः वयाके न्यंहेन्यन— “छं छु जितः तारण तयाः स्तम्भन यानागुला ? छाये ?”

व मनूया खं न्यनाः लीलाबज्र वयागु न्ह्यसःया लिसः मव्युसैं थुकथं न्यन— छो, मनू, यक्ष छ सु खः ?

व मनुखं लिसः बिल— जि वृक्ष देवता खः । जितः तारण लिकया ब्यु, बरू छं धाःगु वर बी । छं यःगु प्वैं ।

थये वृक्ष देवतां धासैंलि लीलाबज्र गुरुजुं धाल “जि ला छःपि वृक्षदेवता धकाः मस्यु । प्याखं स्वः वःपि मध्यय् तःधिकःह्य जूगुलि जिगु निमित्त ज्ञान मनू खइ मखु जुइ, थ्व सु स्वः धकाः सीकेत तारण तयागु खः । जि सतः छगू दयेकेगु इच्छा दु, छलपोलं सतः दयेकेत माक्व सिं बिया बिज्याहुँ ।”

वृक्ष देवता— “जितः तारण लिकया ब्यु । जि छन्त थ्वहे थासय् कल्लय् सिमा छमा बुइका बी, वहे सिमाया सिं छं सतः दयेकि । छं इच्छा जू कथं सतः दयेकेत माक्व सिं दइ ।

थुलि धासैंलि लीलाबज्रं वृक्ष देवतायात तारण लिकया बिल । वृक्ष देवता अनंहे अन्तरध्यान जुया वन । अले वृक्ष

देवतां धाःथे धात्थे हे अन सिमा छमा वुयावल । व सिमा लाबलां हे अजंबर तम्मा जुयावल । अले वहे सिमा ववथलाः उकिया सि भराय्धंक सतः दयेका हल । सतः दयेके नं सिधल । अपाय्धंगु सतः दयेकाः नं सिं ल्यनतिनि । हानं व ल्यंगु सि मेगु छगू सतः दयेकल । व सतः यात 'सिं ल्यं सतः' धकाः धाल ।

वृक्ष देवतां ब्यूगु छमा सिमाया सि निर्माण याःगु सतः-यात हे काष्ठमण्डप (काठमाडौं) धकाः धाःगु जुल । काष्ठमण्डप सतः सम्पूर्ण सिधसेलि लीलाबज्रं सतः प्रतिष्ठा याये धकाः आपालं देवतापि मन्त्रं आह्वान यात । लिपा प्रतिष्ठा यायेत आह्वान यानापि देवतापि सु सु व धकाः स्वःबलय् अन आपालं देवतापि बिज्याना चवन तर सतः दयेकेत माक्क सिंया निम्ति सिमा ब्यूह्य वृक्षदेवता हे मदु । उकि काष्ठमण्डप सतःया प्रतिष्ठा कर्म मजुल । आमन्त्रित देवतापि सकलें लिहां वन । सतः दयेकेत माक्क सिंया निम्ति सिमा ब्यूह्य वृक्ष देवता हे सतः प्रतिष्ठा यायेत मदुगु जूगुलि काष्ठमण्डपयात "मदुसतः" धकाः धाःगु खः । सिमा ब्यूह्य वृक्ष देवता धकाः ससुद्योया अङ्गलय् थौंकल्लय् ल्वहंया पाताय् ह्याउंक सिह्ललं पानातःगु दु वयाते हे मरुद्यो धकाः धयातल । सतः प्रतिष्ठाया वारय् थथे धयातःगु दु कि, चि, व चिकंया छगू हे भाः जुल कि मरुसतया प्रतिष्ठा जुइ ।"

वसपोल लीलाबज्र बज्राचार्यं स्थापना याना थका

बिज्याःगु काष्ठमण्डप मरुसतः मरुत्वालय् थौया अद्यापि
घस्वानाच्चंगु व हे वनि । थहितिया तग्गु चैत्य नं वसपोल
लीलाबज्ज बज्जाचार्यं हे स्थापना याना थका बिज्याःगु जुल ।

वसपोल लीलाबज्ज वज्जाचार्यं बौद्ध धर्म सम्बन्धी सफू
चर्यागीति नं चवयाथका बिज्याःगु दु ।

सफूया नां—

१. सहज शून्य समाज साधना
२. श्री सहज सिद्धि

<u>चचाया नां</u>	<u>राग</u>	<u>ताल</u>
१. श्री हेबज्ज नेरात्मा	कर्णवी	झप
२. हाडा भरण	अहेडी	माथ
३. बज्जमय भूमि (अप्राप्य) मधुमत		दुर्जमान

वसपोल ८४ सिद्धया ल्याखय् थ्याःहा लीलाबज्ज मखु ।



१६. श्री मञ्जुबज्र बज्राचार्य

मञ्जुबज्र बज्राचार्य मणिर्सिंह महाविहार (मुसुंबाहा)
 याह्य खः । वसपोल प्रताप मल्लया पर्यायाह्य प्रसिद्ध बज्राचार्य
 खः । वसपोल मन्त्र तन्त्र विद्यां पारंगतह्य खः । मञ्जुबज्र
 बज्राचार्ययात “जामनः गुभाजु” नं धाइ ।

मञ्जुबज्र बज्राचार्यं च्वया बिज्याःगु सफूत खः—

१. बज्र भैरव साधन नाम
२. तारादेवी स्तोत्र एकाविंशति साधन
३. महामुद्राभिगीति

श्री मञ्जुबज्र बज्राचार्य चिना थका बिज्यागु चयोगीति

<u>चचा</u>	<u>राग</u>	<u>ताल</u>
नमामिर श्री हारती	भैरवी	त्रिहुला

★★

१७. श्री अमोघबज्र बज्राचार्य

अमोघबज्र बज्राचार्य शङ्खपुर (सकव दे) याहा बज्रा-
चार्य छः ।

वसपोल अमोघबज्र बज्राचार्य महासावी बौद्ध पुस्त्य
कवया विख्याःनु दु । वसपोल कवया विख्याःगु सफूया नां छः—

१. महामरव होमविधि

अमोघबज्र बज्राचार्यया पाबे रचना जूगु निपु चचा
हु । क कः—

<u>चचाया नां</u>	<u>राग</u>	<u>ताल</u>
१. उदङ्गा भरण	ललित गूञ्जली	जटी
२. गौरी चौरी	मालव	सप

★★

१८. श्री वन्दकृतदेव बज्राचार्य

वन्दकृतदेव बज्राचार्य मन्त्रसिद्धि महाविहार (सबल-
बाहा) याह्य खः । आपालं सिद्धि प्राप्त याना बिज्याःगु दु ।
वन्दकृतदेव बज्राचार्यं दोलखाय् करुणामय स्थापना यानाः
रथयात्रा यायेगु चलन न्ह्याका बिज्यात । थुगु रथयात्रा
परम्परागत रूपं अद्यापि न्ह्याना हे वयाच्चंगु दनि । थुगु
रथयात्रा वसपोलं महामारी रोग शान्त यायेया कारण्य न्ह्याका
बिज्याःगु खः ।

वसपोलं वन्दकृतदेव बज्राचार्यं येय् वन्दकृतदेव
महाविहार स्थापना याना बिज्यात । थुगु विहारयात भोंसिको
बाहा धाइगु खः । परन्तु थुगु बाहा ह्नावन । भोंसिको
बाहालय् च्वंगु क्वापाद्यो तेबाहाया पिने आतक नं दनि ।

श्री लक्ष्मी मल्ल जुजुया पज्यास श्री जन्माद्योया थाय्
अहोरात्री पूजास मूल आचार्य जुया बिज्यात ।



१६. श्री सिद्धिबज्र बज्राचार्य

सिद्धिबज्र बज्राचार्य मणिसिंह महाबिहार (मुसुंवाहा)
याह्य खः । वसपोल लिपा मखंवाहालय् द्वलाजी च्वं बिज्यात ।

वसपोल सिद्धिबज्र बज्राचार्यं बौद्ध चर्या गीति रचना
याना थका बिज्याःगु दु । गुगु क्वय् च्वया थें जुल ।

<u>बचाया नां</u>	<u>राम</u>	<u>ताल</u>
१. जिनवर जननी	वसन्त	झप
२. पूर्वाभिमुख	मालव	माथ
३. सहस्रदल माझे	भास	माथ
४. सूर्यमण्डल	मालव	झप
५. अष्टारचक्र	मल्लार	माथ
६. कनकगिरि	धनाश्री	चसपति



२०. श्री हासबज्र बज्राचार्य

श्री हासबज्र बज्राचार्य हेनाकर (हेमाकर) महाविहार
घातसां ध्वाकाबाहायाह्य खः । बसपोसं चिना थका बिज्यागु
चचा थथे जुल ।

<u>चचाया नां</u>	<u>राग</u>	<u>ताल</u>
१. त्रिदलसरोरुह		
२. दिव्यरूपी सूरपी		

★★

२१. श्री विलासबज्र बज्राचार्य

श्री विलासबज्र बज्राचार्यं चचाया थका बिज्यागु चचा
थथे जुल ।

<u>चचाया नां</u>	<u>राग</u>	<u>ताल</u>
१. त्रिदल पङ्कमाक्षे		
२. म्येदनि जलअग्नि		
३. नमामि २ श्री महाकाल		

★★

२२. श्री महासूखबज्र बज्राचार्य

श्री महासूखबज्र बज्राचार्यं स्वया यका विद्यागु चचा
यथे जुल ।

चचाया नां

राग

ताल

१. अनलमण्डल
२. प्रसाम्य कमलोपरि
३. हूं बीज सम्भव
४. हूंकार सम्भव
५. पद्मोपरि इन्दुमण्डल

★★

२३. श्री श्रीबजू बजूचार्य

श्री श्रीबजू बजूचार्यं च्चया थका बिज्यागु च्चा थके
जुल ।

<u>चचाया नां</u>	<u>राग</u>	<u>ताल</u>
१. हूँ बीज सम्भव		
२. चित्रचक्राष्टार	ललित	माथ
३. पूर्वदिगंपति	कामोद	षडङ्कार
४. स्मलिक कूलिश		

Dhamma.Digital

★★

२४. श्री अनूपमबज्र बज्राचार्य

श्री अनूपमबज्र बज्राचार्यं च्वया थका बिज्यागु चचा
थथे जुल ।

<u>चचाया नां</u>	<u>राग</u>	<u>ताल</u>
१. भानुमण्डल		
२. भास्कर मण्डल		

★★

२५. श्री विक्रमबज्र बज्राचार्य

श्री विक्रमबज्र बज्राचार्यं च्वया थका बिज्यागु चचा
थथे जुल ।

<u>चचाया नां</u>	<u>राग</u>	<u>ताल</u>
१. तरारी मण्डल		

★★

२६. श्री मुनिन्द्रबज्र बजाचार्य

श्री मुनिन्द्रबज्र बज्राचार्यं चवया थका बिज्यागु चचा
थथे जुल ।

चचाया नां

राग

ताल

१. कुमुड पुष्कर

★★

२७. श्री शिवबज्र बजाचार्य

श्री शिवबज्र बज्राचार्यं चवया थका बिज्यागु चचा
थथे जुल ।

चचाया नां

राग

ताल

१. विश्वांभोज चन्द्र

२. लोहित वर्ण

३. हूँ जात भैरव

★★

२८. श्री गीतबज्र बज्राचार्य

श्री गीतबज्र बज्राचार्यं च्वया थका बिज्यागु चचा
थथे जुल ।

<u>चचाया नां</u>	<u>राग</u>	<u>ताल</u>
१. त्रियंत्रिसनाथ	कामोद	षडङ्कार

★★

Dhamma.Digital

२९. श्री समरसबज्र बज्राचार्य

श्री समरसबज्र बज्राचार्यं च्वया थका बिज्यागु चचा
थथे जुल ।

<u>चचाया नां</u>	<u>राग</u>	<u>ताल</u>
१. सवाक्रान्ता	धनाश्र	जटि

★★

[५०]

३०. श्री तथागतबज्र बज्राचार्य

श्री तथागतबज्र बज्राचार्यं च्वया थका बिज्यागु चचा
अथे जुल ।

चचाया नां

राग

ताल

१. आदि शून्य

★★

३१. श्री स्वयम्भूबज्र बज्राचार्य

श्री स्वयम्भूबज्र बज्राचार्यं च्वया थका बिज्यागु चचा
अथे जुल ।

चचाया नां

राग

ताल

१. हिरण्यवर्ण

★★

३२. श्री इन्दुवज्र बज्राचार्य

श्री इन्दुवज्र बज्राचार्यं स्वया थका बिज्यागु चचा
थथे जुल ।

चचाया नां

राग

ताल

१. अरूणवर्ण



Dhamma.Digital

पुस्तक दइगु थाय्—

१. आनन्वकुटी विहार
स्वयम्भू, काठमाडौं । फो. नं. २७१४२०
२. संघाराम भिक्षु तालिम केन्द्र
लुटी, ढल्को शोभा भगवतीया ग्हौने, काठमाडौं ।
फो. नं. २१५०२०
३. हेराकाजी सुजिका
नागबहाल, ललितपुर ।
४. बुद्ध विहार (बाल्मिकी संस्कृत क्याम्पस ल्यूने)
भृकुटी मण्डप, काठमाडौं । फो. नं. २२६७४३
५. धार्मिक पुस्तक केन्द्र
खिचापोखरी, काठमाडौं ।
६. लक्की स्टोर्स
भैरब टोल, पोखरा ।

२०.	बुद्धकालीन श्रावक-चरित (५५) भाग-६	...रु. ३०/-
२१.	बुद्धकालीन श्राविका-चरित भाग-१ (अप्राप्य)	...रु. २२/-
२२.	बुद्धकालीन ब्रह्मादिदेव भाग-१	...रु. १८/-
२३.	बुद्धकालीन ब्रह्मादिदेव भाग-२	...रु. १८/-
२४.	बुद्धकालीन ब्रह्मादिदेव भाग-३	...रु. १४/-
२५.	बुद्धकालीन प्रेतकथा (अप्राप्य)	...रु. १०/-
२६.	बुद्धकालीन विमानकथा (अप्राप्य)	...रु. १२/-
२७.	जातक संग्रह भाग-१	...रु. १०/-
२८.	जातक संग्रह भाग-२	...रु. ८/-
२९.	जातक संग्रह भाग-३	...रु. १३/-
३०.	जातक संग्रह भाग-४	...रु. १२/-
३१.	जापान भ्रमणको डायरी	...रु. ४/-
३२.	विषय सूची	...रु. ५/-
३३.	नेपालमा थेरवाद बुद्धधर्मको संक्षिप्त इतिहास... (अप्राप्य)	
३४.	संक्षिप्त कथा सहित धम्मपद भाग-१ (दोस्रो सं)	...रु. १५/-
३५.	बोधि राजकुमार (अप्राप्य)	...रु. ४/-
३६.	त्रिरत्न वन्दना र पाठ्यसूत्र (४०)	...रु. ४/-
३७.	जातकमाला (नेवारी) भाग-१ (तेस्रो संस्करण)	...रु. ४/-
३८.	पालिपाठमञ्जरी भाग-२	...रु. ६/-
३९.	संक्षिप्त बुद्धजीवनी (चतुर्थसंस्करण)	...रु. १०/-
४०.	वार्षिक प्रतिवेदन (२०४० सालको)	
४१.	वार्षिक प्रतिवेदन (२०४१ सालको)	
४२.	वार्षिक प्रतिवेदन (२०४२ सालको)	

४३.	धम्मपदट्टकथा (नेवारी) (द्वि. सं.) भाग-१	...रु. १०/-
४४.	धम्मपदट्टकथा (नेवारी) भाग-२	...रु. १०/-
४५.	धम्मपदट्टकथा (नेवारी) भाग-३	...रु. १८/-
४६.	आनन्दकुटी विहार गुठीको प्रकाशन (सूची)	...रु. २/-
४७.	न्ह्यासःया लिसः (४५)	...रु. ३/-
४८.	A Short History of Theravada Buddhism in Modern Nepal... (Third Edi.)	...रु. २२/-
४९.	Kings of Buddha's Time	...रु. १९/-
५०.	Buddhism at a Glance	...रु. १/-
५१.	A Brief Biography of Ven Bhikkhu Amritananda (५२)	...रु. ८/-
५२.	Buddhism of Nepal (५३)	...रु. १२/-
५३.	(एक ब्राह्मण) भिक्षुको जीवनी	...रु. २/-
५४.	यशोधरा (५१)	...रु. ११/-
५५.	मेरो जीवन यात्रा (५४)	...रु. २/५०
५६.	विषय सूची (२०४४)	...रु. १०/-
५७.	महाकश्यप महास्थविर (नेवारी)	...रु. २०/-
५८.	उभयपातिमोक्ष (उभयप्राप्तिमोक्ष)	...रु. २०/-
५९.	मां-बौं सेवा	...रु. ३/-
६०.	सोलुखुम्बू यात्राको डायरी	...रु. ५/-
६१.	धर्म-ज्योति	...रु. १३/-
६२.	वेस्तन्तर जातक	... रु. १२/-
६३.	ह्लापायार्पि प्रसिद्ध बज्राचार्यपि	... रु. ५/-